



14
1544
110



卷之三

詩也者風雅頌之道也然有三難焉風而失於刻則  
 澶之難雅而失於晦則響之難興而失於滿則興之  
 難厚觀自古詩人代有若手然皆各得一體若能三  
 體俱備者未之有也吾岳雨村先生天才英邁學  
 問淵博遠取黃甲少由詞館遠遊清班優游林下幾  
 二十年其為詩也不作則已作則忠厚和平使人親  
 感而興而不失於刻清詩為世使入尋繹而初而不  
 失於晦揚聲者使人感而興而不失於滿流其氣  
 則江河莫老則日月而長雖則年奇價淡不名一家

董山選集序

詩也者風雅頌之遺也然有三難焉風而失於刻則  
渾之難雅而失於晦則響之難典而失於澁則爽之  
難歷觀自古詩人代有名手然皆各得一體若能三  
體俱備者未之有也吾岳兩村先生天才英邁學  
問淵博起家黃甲少由詞館遍歷清班優游林下幾  
二十年其為詩也不作則已作則忠厚和平使人觀  
感而興而不失於刻清新雋逸使人尋繹而知而不  
失於晦摘艷薰香使人屬饜而飽而不失於澁其氣  
則江河其芒則日月而其體則平奇濃淡不名一家

當今詩人夥矣而能落筆渾然兼之聲調響異如吾  
岳翁者殆指不<sub>易</sub>屈也玉溪 髫年即好操觚而于聲  
調一門尤加講切竊幸朝夕親隨撰杖得以快領明  
誨故能日知其所無月無忘其所能因于吾 岳童  
山全集中擇其嗜好所近者彙為一篇名曰童山選  
集非敢阿其所好也亦謂天下之寶當與天下共之  
而已

嘉慶元年十月既望廣漢張懷漑玉溪拜撰

童山選集卷一

綿州李調元雨村著  
廣漢張懷漑玉溪編

雜興

衣冠入保國相驚以為怪絕彼以禮文其苦如縲械  
人固安所習互易終不愛假使我輩保豈復成人類  
陶人使為治鑄器必不良冶子使為陶瓦合必相妨  
茅茨與土階後王無此殿玉杯與象箸前王無此譏  
所以古聖人因時隨俗便  
人身一小天天道固難曉五官不列眉眉胡主壽考

百體不止。面面胡獨要好。須胡分男女。乳胡分大小。耳目何不倍。手指亦可少。何不去閒毛。亦可添牙爪。天道多遺憾。何況人身貌。自身尚不知。安用叩蒼昊。所以性理書。徹底未明了。

楚王愛細腰。餓死了。不畏太真號。肥婢臨死猶涕淚。無鹽入齊宮。轉取人所棄。昭君在漢室。返使走胡地。有愛眇目者。反怪雙目脩。有好半面者。轉笑全妝累。人情好女色。愛憎亦多異。無怪歷代來。忠奸互倒置。佛氏談因緣。來世生福地。幾見初生人。盡記前生事。老子稱太上。長生應在世。何以血肉軀。飛昇不見墜。

吾儒慎追遠。禮重宗廟祭。追封向墳頭。安知魂果至。人睡言小死。所異在無氣。如與睡真同。死亦可不淚。鵲巢而鳩居。皆謂鳩不如。然亦各有長。難以定贏輸。鵲固善營造。鳩亦善生雛。無巢身可寄。無子身何居。一乳鳩子。七問鵲。可能乎。

螭蛄傲浮游。安知鶴千紀。泰山笑邱垤。安知天萬里。牧童有何道。黃帝拜問之。項橐有何知。仲尼以為師。劍必敵萬人。乃可試其利。詩必參百家。始免後人議。自以為是者。安望傳後世。斥鷃為鵬笑。所爭九萬里。使鵬穿林叢。或恐不如雉。

蟬蚍避雨遷苦為龍驅使令龍穿曲珠或恐遜於蟻  
物固各有宜不必爭誰美猿狖善登山鷗鳧工涉水  
長笑土木偶相語兩非是

驅龍伏九淵誰敢撻其胡愚夫遭其睡乃得領下珠  
鷗鳥居海上日與人相嬉智者謀獲之一去不復隨  
與其失於智無寧得於愚

偶聞人食糞無不笑且唾不知五穀生皆自糞中出  
偶見人遺矢無不厭且哈不知孩提童俱自矢中來  
流芳須百世前愆乃可蓋遺臭萬年者恐不如兒輩  
奈何遂臭夫紛紛史冊內

遊山

遊山如讀書一里當一葉山行數百里日與異書接  
坐令書卷氣充腹復浮煩出遊山詩清若風上脅  
人言我看山胡不攜卷帖雲烟供染翰初不借鼓篋  
不知讀書人內外同涉躐山乃外之書奇文各領愜  
書乃內之山挿架仰重疊內外皆有書何用書自挾  
善讀即善遊理不隔毛膜譬如多金人飽載馬馱躡  
豈在露財寶豈不防盜劫君莫笑出門外書遠蹠蹠  
君莫笑閉戶內山恣漁獵君看萬卷樓只作萬嶼嶻

遊雲龍山

雨歇數峯青。斜陽下喬木。谿西聞暗泉。夜氣侵叢竹。  
何人嘯空林。冷然出幽谷。

谿回樹色濃。日暝磻光暮。蒼蒼然白雲。歸遮斷前路。  
時有採樵人。長歌隔林去。

苔滑石氣清。露下寒蟲響。古道瀑侵衣。雲洞坐幽敞。  
山深夜不眠。孤月樹梢上。

曉過五星臺

役人貪早起。出郭尚昏黑。行行五星臺。殘星猶未匿。  
熊羆伏路深。鯨鯢據岸仄。朽棧俯見水。破袖常挂棘。  
人呵寒慄氣。馬帶善驚色。長疑樹如人。只恐盜在側。

斥堠雖登增戍交。且偷息倘知早行險高枕卧亦得。

青羊橋

忽聞介馬聲。隔山馳驟至。草木動鱗甲。無風自恣肆。  
須臾破林缺。乃見飛流駛。汪洋青羊河。澎湃何其憲。  
如傾萬斛泉。奮激上人背。石齒如劍鏑。磨淬出廉利。  
倘為石所剝。一躓便失墜。吁嗟行路難。坐定猶驚悸。

馬鞍嶺

人在馬鞍上。復上馬鞍嶺。馬鞍二十四。與我共馳騁。  
筋力已疲癯。石確反骨鯁。一上復一下。或睡或復醒。  
馬蹄生鐵踏。人面死灰冷。黑景入轆轤。白日匿光景。

綫路蛇鬥門人馬各相警納納大乾坤余胡涉此境

觀音礪

峭石森如竹我從筍尖過雲逗斧錯痕霆擊冰溜破  
却入觀音礪未出不敢質沉潭見龍行懸崖驚虎卧  
不知洞口深但覺已身大生涯信竭踏豈獨為寒餓  
負罪如邱山安能辭折挫臨危祝慈航微軀信孱懦

寬川鋪

寬川忽不寬仄身入巉壑兩壁摩蒼蒼仰見天在管  
涓流何處泉清可數苔蘚流沫不成輪空雷石上轉  
古洞吐奈雲線路縈蜀棧行子忽愁思橫空欲盡剷

胡為披蒙叢擊礪走成趺閱代通人力大路歸平坦  
金牛事有無付之一笑莞

五丁關

是誰持大斧劃破萬古石礪琅割一聲乾坤忽中拆  
至今斧鑿痕似見巨靈擘漾水走其下日夕相瀟瀟  
嶓嶮失天險連山斷根脈我馬立其巔望見劍門關  
暗雷走空山鎮日驚辟易秦蜀何年通呼吸此其膈  
嗟嗟善哉行恨無生身翻

閔家坡

自入武都來千巖秀忽失古藤懸於蛇頑石黑類漆



舉步困黃泥。入幽墮暗室。人家何所樹。山山皆橡栗。  
葉落空林高。下見古郵驛。官閑吏亦倦。時聞驚馬逸。  
捫懷忽自慚。却憶登朝日。有益國家無。文武得勿勗。  
不如放深山。朝暮隨伍卒。茁壯諒不能。安寢或可必。

七盤關

我從高脊來。俯見盤關壩。七折上丹梯。凌虛若可跨。  
及至登層巔。諸山皆在下。人疲一步坐。竹杖不相借。  
平地歇我馬。始覺險可怕。煎茗有山僧。邀至古蘭若。  
推出西南窻。為指兩峯罅。蜀道如青天。危棧此初架。  
莫嫌路逶迤。岷山色可迓。回頭望秦中。何啻太少華。

阻阨歷已半。得安且稍假。遠見故鄉田。紛紛露穉稼。  
飽食有今年。慰語良足謝。

龍洞村

諸水如遊龍。曲折赴龍洞。雷霆爭蕩激。憤怒聲相閤。  
人從皆上行。下覺鱗鬣動。造次出之。而陰風生。暗恐  
橫梁高於壙。跨天儼成竦。馬蹄懼即脫。羊腸抱孤慟。  
不敢此暫停。去去催我輟。猶聞遠灘聲。洶洶隔山送。

朝天關

朝天在天上。嗟呀少人行。怒目似相待。齧攫何獐獍。  
不知我亦謫。輕舟過無聲。雙槳不驚鷗。玩此一水清。

仰看頭上石仍見空中橫。冰牙綴頽岸，意氣猶不平。  
為我謝山靈，無為腹膨膨。

飛仙閣

入峽祇一舍，峯巒更偏仄。人擔豺虎憂，江帶龍鼉色。  
何年飛仙閣，高際入無極。萬瓦照山光，千佛刻西域。  
上有連雲陰，下有沉潭黑。蛇蟠九曲灣，鳥道一竿直。  
丹梯不在地，赤手上無力。艱哉徒旅人，垂堂戒不測。

劍門

劍門非刻劃，乃是真崇墉。何來芙蓉鏑，森插堞堦中。  
青天亦受鏡，豈非刀州鋒。突地起樓閣，勢欲吞崆峒。

壯哉天下險，寧與長城同。當關苟一夫，萬卒何能攻。  
歷代紛割據，蕭牆自興戎。譬如人腹病，皮膚豈得充。  
天棧不足恃，修德可弭凶。試看井蛙輩，至今嗤愚蒙。

和襄城明府張雲谷

邦仲

見懷韻二首

年姪劉澤填講

結交不在廣，所貴同心蘭。我有斷金人，相思隔雲端。  
久而不聞香，入室空盤桓。朝來鵲送喜，有客來河干。  
探懷出手書，為言覲面難。人生非有他，造物偶控搏。  
隨地走四方，險歷岌與垣。火鼠自趨暑，冰蠶自趨寒。  
所趨雖各殊，無非謀一餐。我昔來京師，所願一識韓。  
文章非老成，亦尚富波瀾。翺翔附青雲，和聲效鳴鑿。

豈知垂天翼。終為尺蠖蟠。雖未終朝禡。已殊占錫鞶。  
所以鬱居此。白晝常解歡。今君復見慰。祇益羞顏丹。  
會當拂衣去。躍出塵漫漫。寄語數澤人。寥濶看飛翰。  
仲尼昔反魯。援琴操荷蘭。乃知雖聖人。亦自多憂端。  
我少讀春秋。篇未終。隱桓芥視青。與紫謂祿便可干。  
無梯可上天。始知寸步難。袞袞看諸公。萬里爭鵬搏。  
卑飛笑鸞鳩。安望高及垣。碌碌走塵中。誰憐賤子寒。  
甚欲焚筆硯。恐因咽廢餐。窮愁學著書。又甚甲申韓。  
雕蟲雖小技。尚可挽狂瀾。君看太白後。誰無慙金鑿。  
坐令英髦輩。俯首甘屈蟠。知命故不憂。斯言可書鑿。

感君屬望意。愁懷愈不歡。已除散仙籍。安望大還丹。  
回首望故鄉。雲水何瀾漫。秋風昨夜動。我欲師張翰。

聞永清丞陳韞山琮署水清令

何必定登科。只須早為官。何必定極品。只須不素餐。  
陳子不羈人。飛驥汗流丹。副車真誤中。一擊如報韓。  
昨者到京洛。暫駐為盤桓。贈我綈袍貲。為憐范叔寒。  
今者元方來。欣聞慶彈冠。為言眉上黃。欲學河陽潘。  
君看劍花暈。洗濯驚龍蟠。豈有新發硎。操刀割雞難。  
人生無良朋。何處吐心肝。倘有絃歌化。吾將採輶軒。

讀祝芷塘德麟詩稿

我家岷之濱。柴門對江淨。哦詩二十年。空谷只孤詠。  
抗懷思古人。屈指嘗竊評。緬維炎漢初。文章我蜀盛。  
司馬與王揚。洪鐘破幽磬。祠壇列俎豆。萬古殘膏膾。  
子昂起射洪。高蹈超諸磴。感遇篇三十。丹砂金碧瑩。  
刪述志非夸。垂輝千春映。眉州蘇父子。玉局我所敬。  
大海揚鴻波。餘流空汀滢。後來頗落落。道古或差勝。  
斷獄老吏能。遺山傳可并。有明三百年。升菴獨雄橫。  
百代為牢籠。肯與何李並。其餘節無譏。數子獨道勁。  
曰余生也晚。狂愚頗自命。少年走吳越。文藪林是鄧。  
豈徒飽名山。兼多縞紵贈。一自遊京師。名流交通訂。

曹習趙既富詞藻。吳冲沈雲才華稱。丹徒樓我之師。  
趙損宋巖馳驅併。程翁魚門氣無敵。持議或倒柄。當其  
掀髯時。濡筆何豪興。杰起有東海。綬俊鶻掃凌。競天  
罰徹骨窮。敝衣不掩脛。明時盛文彥。絡繹多唱賡。遍  
識我不能。頗坐健忘病。憶昔初識君。得朋良竊慶。頗  
聞東筍多。全豹窺未請。握手不須臾。歸思挂吳榜。去  
歲曲江頭。并馬日未暝。又理南征帆。春秋重親迎。鴈  
去燕復來。鳩喚婦寡應。今來同華省。新詩獲細證。秋  
水出芙蓉。不飾晨粧靚。餘霞綺滿天。散作珠光孕。遺  
音聞正始。韶樂放淫鄭。回日低頭拜。今者刷目更嗟

世曰哇。鼯。衆。嘉。紛。勃。諍。豈。無。獨。彈。者。改。絃。不。堪。聽。豈。  
無。錦。繡。段。文。理。昧。絲。經。長。笑。白。贊。元。還。疑。韓。譽。孟。溫。  
李。亦。堆。塚。皮。陸。苦。餒。飮。箇。中。知。者。註。局。內。自。無。惜。鄉。  
風。敢。云。繼。庶。幾。有。獨。醒。大。雅。君。扶。輪。前。賢。我。作。鏡。君。  
當。為。羽。翼。我。亦。堪。佐。乘。誰。蹠。巨。靈。掌。一。手。溼。河。朔。誰。  
持。照。妖。鑑。過。斷。邪。魔。徑。偽。體。倘。不。裁。風。騷。滅。真。性。齊。  
名。誰。側。目。主。張。須。喙。硬。請。君。玩。此。篇。知。余。言。不。佞。

周松岑孝廉以詩留別奉和二首

日高猶掩關。睡亦漸成癖。剌啄聞客來。司閤門始闢。  
披衣相見備述。遠行迹不能事。株守為時尚新積。

田歸林泉。遠舍栽松栢。君歸吾亦歸。何須桂。然。卓。  
人生慕銅符。大都染錢癖。使我二頃田。豈赴四門闕。  
奔走似牛磨。團團踏陳迹。究竟空蝸廬。粒粒未儲積。  
百歲終不大。有若巖生栢。莫作韓休輩。區區謀畫戟。  
溫泉灘

我來瘴江濱。火雲方鬱攸。溽濕蒸行客。日懷重脰愁。  
不謂連江險。亦有溫泉流。停舸笑謂兒。宿疾茲可瘳。  
解衣洗積垢。頓覺神脉周。初疑木焚槐。又若地藏硫。  
火布如可浣。釜薪似未抽。雖有氛霧侵。不復成瘡疣。  
乃知造化巧。解毒方先留。大勝驪山泉。徒蒙華清羞。

遊碧落洞 示門生萬國才及何李二生

清風兩腋生。送我入山腹。晃蕩垂雲崩。銀潢就中出。  
古洞何年開。破壁自成屋。啾啾巢巖禽。撲撲遶枝蝠。  
沉潭蚪蚪家。異石虎豹族。翻今白晝寒。忘却六月伏。  
從遊得萬子。指點豁吾目。旁有二生隨。隅坐如在塾。  
絕境少人到。得來豈非福。詩成問山靈。何如蘇玉局。

頂湖山

山頂安得湖。聽說先搖首。艤舟上岸行。清溪逐人走。  
溪迴山來迎。湖光已照手。溪邊龍眼樹。易生如楊柳。  
結子尚垂青。雖渴不可口。及至到頂湖。一吸渴何有。

上可接九天。下可灌千畝。初疑釋迦鉢。長聞風雨吼。  
又疑玉女盆。墮在烟霞數。彷彿見鵲橋。懽恍犯牛斗。  
與言無二三。誰能吞八九。地靈周易知。天漏粵人守。  
老僧喜我來。引導登雲阜。為指慶雲寺。金字頗不醜。  
尚王筆尚留。何必夸不朽。惟有頂湖高。陪伊坐至酉。

涿鹿感懷三十韻

積穀為防饑。不爾何須穀。養兒為防老。不爾何必育。  
南昌昨奏下。東粵始輓轆。持旌甫出京。分道先由涿。  
郵亭坐淒清。往事忽傷觸。憶昔癸未春。先子領州牧。  
旁午理羽書。艱辛閱案牘。早歎多饘糜。訟庭少鞭朴。

父老起謳謠。上吏爭拭拂。時調捷禮闈。泥金近報速。  
先子覽之喜。對客笑可掬。謂屈賢良對。庶可大吾族。  
既失龍頭選。未畢中秘讀。高堂色雖沮。婉語暗鞭督。  
口啣雞舌香。即官亦列宿。豈知事竟謬。悲詫走平谷。  
山頽一旦燕。廬墓三年蜀。官老嗤馮屠。臣譏笑方朔。  
出處俱願違。升沉付翻覆。冬去冰初解。春來草方出。  
恩深懼難附。任重矢清肅。世本儒家素。報稱或不辱。  
所懷在風樹。不免臯魚哭。舊邦一憑軾。山河尚如沐。  
頗聞閭里間。比戶猶尸祝。不敢詢遺民。恐復數前躅。  
陰陽不相待。老少互相逐。待得遂意時。先子已瞑目。

衣錦實夜行。此意何人覺。皇華不敢辭。雞號聊一示。  
坐令一夕中。熱淚洗炎酷。

南天門

今晨憩稱黃。四山雲霞霽。蟻行沿澗曲。巖竇雜明晦。  
及登南天門。旭日上峯背。長劍忽倚天。劃出燕雲界。  
邊城如長蛇。各各跨九塞。及此更盤蛇。爭鬥一門內。  
我身如虛空。胸中寡蒂芥。捫天不二尺。玩此星斗碎。  
回頭望祝融。歛吸見紫蓋。得無駕朱鳥。來與北辰會。  
便欲驂翺翔。埃壒不可載。羣仙丈靈旗。閭闔昧所在。  
惟餘雄風來。倚檻一稱快。

東程魚門

當代著述才髯翁。帝所簡五百文撐腸。萬卷書過  
眼。濡毫中書堂。鴻裁多手撰。風騷推老將。登陴氣自  
們。觀其筆陣雄。大蘇名無報。典籍互紛亂。苦由後人  
鼻。君獨一手定。綴補羽陵東。縱橫叩石渠。真如肉貫  
串。生平不降人。乍讀伏且懣。三長侍天祿。四海走碑  
版。至今天下士。踏破鐵門限。我雖竊虛聲。其實豈有  
晚。乃復忝商確。談詩共杯瓊。攤錢向書市。載歸如蝸  
蟻。灾梨多近儒。大半遭削剗。有時雜齊諧。令人一笑  
莞。千載幾傳人。一个我先揀。莫便藏名山。五丁斷秦

棧

芷塘以醉蟹見餉率賦三十韻

休沐苦透遲。退食常頽憊。未得半晌歡。能謀幾箸噉。  
結思尊鱸久。素嗜魚蝦最。朝驗食指動。夜獲朵頤卦。  
故人知我饒。使者餽子拜。輪囷出尖團。郭索露桓介。  
執穗罷朝魁。登箔已親酌。擎去蘆花斷。携來椒葉蓋。  
乳融白玉化。殼壓青銅敗。沫冷餘夜霜。臍暖含春霽。  
纔分半勺啣。先貪一嚼快。鎔腹未成沙。鏤酥不用臈。  
江風入座腥。河雨傾槽沛。簇簇釀橙餘。昏昏夢稻外。  
真堪甕下卧。絕勝門前掛。想當伴月居。夙凜聞雷誠。



敵虎氣何猛。夾蛇才亦大。兩戰終成降。五鼎遂蒙害。  
 怒目竟何為。橫行定誰賴。輸與採捕郎。擔作街衢賣。  
 納於皆醉中。使為獨醒戒。緣知途太艱。始覺世愈隘。  
 嗟予墮名網。類爾亦冠帶。蟹一名冠帶並少微官執。空多  
 密友。怪孰肯見餽。遺今乃獨沾。句臨愁恣細。酌斫雪  
 助粗糲。兩手持有餘。一洗愁無奈。豈唯過酒渴。益用  
 搔詩疥。太元徒紀揚。爾雅亦誤蔡。短篇有微詞。留待  
 識者會。

程魚門以詩乞余所編全五代詩依韻奉答兼

索異書

五代本無詩。多附唐末朝。亦或入宋初。九止纔一毛。  
 譬如採蘭菊。彌望皆烟茗。况復蒿與艾。其品益不高。  
 我生好吟咏。嗜古如甘醪。自漢魏以還。鈔校不憚勞。  
 唐宋各全集。彙疏頗有條。中間五十年。缺畧匪一朝。  
 思欲勤補綴。日夜筆自搖。叢書獲隻字。喜若逢瓊瑶。  
 祇取備文獻。不在格卑超。手錄垂三年。幾脫十瓿毫。  
 雞憲耿燈火。牙籤風雨飄。遺文遭斷簡。詰曲牙或聲。  
 編成付裝璜。百軸錦鸞翹。君昔在中秘。寄贈亦屢叨。  
 再索亦不吝。詩逋慚隔宵。倘更異書借。聊當磚先拋。  
 和程魚門索余近刻函海一百五十種原韻

我雖生於蜀。吳越長在懷。十八便游浙。書籍得恣窺。  
攤錢日向市。書賈憐我癡。凡我之所欲。任意携歸齋。  
我父憫其癖。廣延友與師。端誦同隊中。不顧紕袴  
咄。回蜀捷文戰。花樣實南來。我父嘗謂人。宦囊在  
此孩。以此通籍後。萬卷左右堆。兼之好抄校。志欲百  
家該。譬如匠氏門。長短各取材。編著事裁尺。兼呈鈇  
與。視積金所儲蓄。多于魚子胎。敢曰皆飽腹。差勝俗  
士懷。君書無不讀。名久冠江淮。古人多遺文。幽光當  
未埋。尚異啟箱藤。罄贈家藏碑。博學如髯翁。豈猶有  
未知。何以仍不足。搜古乃我儕。書經秦火後。灑瀚益

無涯。天地之大也。豈能盡願。諸充子嗜書性。貧殘不  
讓。射而乃妙於乞來語。吐琪現行將盡付。君覆瓿物  
亦偕。網羅遍名山。所闕吾川西。新都夙所嗜。餘書雕  
始開。書成曰函海。其卷尚未排。明憲安大几。已貯龍  
麝煤。若問註疏事。此事唯君推。

題李藝圃

激考

給諫小照

昔君居考功。丰裁甚英偉。每於事失平。堅不署紙尾。  
時余值銓鏡。無蹊竊自比。駢麟在人羣。共稱蜀二李。  
當時頗意氣。碌碌無餘子。豈知不數年。蹭蹬俱可鄙。  
禮秩雖閑曹。瑞錦窠亦美。名者造物忌。摧折或其理。

相期報國恩。努力自茲始。蘭省晚歸。

求忠必孝門。古人言頗中。所以晉王褒。蓼莪廢不誦。  
讀君斷雁圖。淚滴臯魚痛。斃獨亦哀哉。墳荒少伯仲。  
不如百足蟲。尚有扶者衆。以此矢樹立。豈曰非時棟。  
善感本家風。一振朝陽鳳。至今天下士。直聲無與共。  
上可慰先人。下可供含弄。白雲斷雁

瞿塘天下險。洪濤高百丈。我曾兩過之。幸免魚腹葬。  
君胡歸去來。巨纜牽舟上。借問中何有。萬卷書盈箱。  
永和擁百城。此意聊相抗。絳帳或可融。天祿何必向。  
祇以教子孫。不在取卿相。猿聲三峽月。歷盡幾千嶂。

崎嶇一夢回。試問書無恙。載書過峽

君恩尚未報。臣心敢言歸。得毋學張翰。秋風思鱸肥。  
與君生連理。相交久不違。仕宦二十載。苦憶山中扉。  
茅簷在何許。高高浮翠微。雲自出無心。鳥亦時倦飛。  
因君感鄉思。欲去還念非。豈不懷高尚。如此主恩  
希大易有至言。所貴神乎。幾茅簷望闕。

詠鼈蟲。過荏乎作

人能害物。命物亦害人。膚暑天生。嚙蟲安睡。尤難圖。  
昨宵更狼狽。有物出。矍瑜。其名為鼈蟲。其臭如鮑魚。  
比蚊少羽翼。方蚤實蠢。徒向明。盡藏匿。乘暗爭來趨。

滅燈始覺有以火照復無不惜食人肉但知肥已軀  
逞他口饕餮拚作血模糊其走若奔駑其勢若相屠  
所恨我身瘠難供爾輩咀我今已去矣爾復誰傷乎  
秋風一朝來我為爾輩虞

泉林恭紀 在山東泗州

近聖居

近聖人之居言出子輿氏乃所願則學 今聖復  
如是遙知 玉輦留亟稱水哉水

在川處

至誠本悠遠如川流不息尼山偶與會何必泗水側

所以吾與點率爾有未識

鏡瀾榭

一人俯清流萬象本俱屏况復對明鏡倒寫菱花影  
月到潭心時心與月俱靜

橫雲館

陪尾本不高築館臨清沚玉乳何洄漩漱之芳且美  
便從水邊坐坐看雲徐起

九曲約

有泉號珍珠佳名標九曲臨流奉宸遊幽趣真絕俗  
清水何鱗鱗時有鷺拳足

柳烟坡

春姿何纏綿。垂柳冒行殿。彷彿御溝流。陰陰奉清宴。不復知烟深。黃鸝時一轉。

古蔭堂

修廊在深處。窈窕更清樾。掃地坐焚香。夜來復幽絕。杞樹動微風。竹梢上明月。

紅雨亭

暮春百花殘。緋枝苞未吐。似知翠輦留。勒住春在樹。何處紅雨多。桃花開滿蕊。

童山選集卷二

綿州李調元雨村著  
廣漢張懷漑玉溪編

謁許忠愍公祠

并序

公諱直字若魯如臯人明崇正七年進士出文震孟門以名節自砥任義烏令丁母艱服闋補惠來令徵吏部文選主事進考功員外郎城陷自縊死本朝賜諡忠愍相傳文選司堂後冊庫左側小屋即公投縊處歷年封固不啟歲久屋漸頽今歲大家宰武進相國

請修葺衙署並祠宇新之匝月落成因祭展

謁賦詩以記

嗚乎甲申變流冠如蟻織臣皆亡國臣束手無一策  
遂令金甌破天王殉社稷公時掌南宮案牘羽書迫  
椎牛誓登陴死守期因賊女牆皆中官上城上不得  
相傳帝南巡恨不生兩翼四面皆兵戈車駕將焉適  
危亂不匡濟活此身何益一慟拜老父寄書別家宅  
不死辱及生詩成淚嗚咽嗟公本孤介如臯傳世德  
起家自縣令清風絕貪墨及茲竟捐軀始終一心赤  
遂同吳橋公廿人炳史冊我朝錫嘉謚遺祠護解

側瞻拜見靈旗銓曹生氣色兩楹久傾頽古樹穿屋  
壁今年煥衙署得請家宰力命司董丹雘旌額加整  
飭以此妥神居君蒿歲不忒吁嗟後來人萬古起憑  
式。

六月二十四日宿臨淮閱邸報得祝芷塘德麟

同年典試湖北信

人生如馬牛順逆隨風走又如鷄與鵬決起何須鬥  
我友祝芷塘廿年膠漆舊同日入紅梨臨文驚宿構  
當年翰墨場意欲共馳驟豈意事狼狽龍豬骨生就  
我既鳳池奪君方雞林售連年收桃李多於積薪積

庚寅典劍南。網盡錦江秀。兩佐歐陽閣。蠶蟻絕外詔。而我當此時。待免方株守。今年禮大比。名及春官奏。

天子臨軒試。席坐孤罷右。不使他山琢。自貽一字

謬。

次題孟予秦繆公余諶寫為繆經芷塘指示余以繆繆古通用不肯改坐此第一改為第六

何期度嶺南。竟添行人副。五花不判君。心知定入彀。所惜揚鑣分。不得同輻輳。詩名愧盧前。加鞭笑祖後。昨者臨淮驛。風雨非逗遛。聞君有楚命。屈指節持。又竟夜喜不眠。聽盡銅壺漏。南荆實多材。鄧林稱最富。東粵亦珠藪。龍池水方縹。君當白珩鄙。我亦合浦陋。他日共較量。定不差池臭。

北以關和大司寇錢香樹先生題壁韻

夜發龍舒道。馬上一無觀。不知入山深。但覺雲左右。曉來亂峯出。巖壑爭疊皺。風從兩腋生。雨似隨手覆。何處靦雷聲。溪與石奔鬥。奇如登劍門。高不數靈鷲。空山無斧斤。老木盡堅瘦。上有萬歲藤。纏絡入其腠。當年我師帷。詩題駐節後。驚蛇落壁間。紗幘護雙堠。平生知己淚。讀罷放聲笑。夙忝置藥籠。跼蹐在鳳囿。今亦持節來。不見泰山壽。猶憶昔時言。爾是峨眉秀。

舟過十八灘作

艤舟儲潭下。榜人各相語。此去十八灘。計里不四五。

上有廣濟祠靈感動行旅聞之齋且沐溪毛莫清醕  
歸舟旂脚轉未敢久延佇開柁捷如箭聲如四山雨  
怪石布成林鑿鐫排作伍疾雷殷地來雪山驚乍觀  
孽龍深瀕洞潛蛟肆吞吐而我過其間畧不費一槽  
大哉神之功不讓古帝禹

贛石三百里一一水中走輪囷類千倉廉隅如兩剖  
繚若篆籀巧抽似筍蕨秀纍纍覆盆甕細細排瓦缶  
局殘碁未拾宴罷肴待帚造化真兒戲搏撮與水鬪  
回觀兩山巔一石翻無有安得借巨靈剷却此培塿  
行舟穩挂帆不受驚湍吼灘師聞此言愀頓憂臨手

苟無險可據何以覓升斗

夜讀練中丞忠貞公文集

今日程司訓示我中丞集夜讀未終篇不覺淚嗚咽  
緬公少英邁秉性矢忠直對策如諫書殿廷皆動色  
遂令嗜殺主歛衽心為戢維時燕師起司憲柏臺職  
請誅賣國奸不惜折檻力大厦既難支臣死有餘責  
願從文皇帝豈懼瓜蔓磔成王今安在血書以當墨  
當時荼毒慘誰分誰叛賊吁嗟河山變浩氣終不息  
至今展遺編尚足驅妖蜮字字照燈青鬼神皆起立  
陰風峽中動淒雨蓬頭急掩卷不成眠微聞老蛟泣



螺山 在廬陵縣北十里

丹子頗解事。知我癖吟哦。開窻為我指。此山名曰螺。  
 云昔有漁父。拾螺手摩挲。懷之不忍捨。五彩復青囊。  
 夜失忽不見。風雨疑龍梭。至今隨手握。往往得之沱。  
 我來非看山。山似喜我過。有如白銀盤。捧出雲一窩。  
 乍見美人髻。平低舉素蛾。藏頭初脫簷。張口長噓呵。  
 坐令青青松。脂漆流成河。平生無所嗜。借汝麝煤多。  
 供我日著書。萬卷高岷峨。何為汝不惠。吝此烏紋靴。  
 此意我知矣。雕琢傷天和。敬謝山靈旨。人豈為墨磨。  
 連日無風舟阻吉陽。今晨得風快然有作。

五里灘下行十里灘。上宿延沿終日間。不出灘一曲。  
 欲知舟上灘。譬若魚綠竹。又如鷓退飛。數舟數恰六。  
 似逆却似順。疑進復疑縮。翻疑文江山。不忍捨我目。  
 何來廣莫風。徑入我帆腹。初見波鱗鱗。漸覺風逐逐。  
 奔騰赴槽馬。獵較避箭鹿。螭口噴雪花。響似秦琴筑。  
 鴨頭翻雲濤。快若轉車軸。雙埃爭迎送。忽失纜一矚。  
 篙子支頭坐土留。飽半菽。余亦暫停舟。欣同稚女粥。  
 時來送好風。無用神祈福。人苦不相待。空費豚蹄祝。  
 筒車

誰學樊遲稼。巧奪公輸矩。東海水欲乾。南山竹先斧。

理本璇璣運義近朽樵取中流一堰成高岸兩輪舉  
團團如側磨鴉鴉似鳴櫓漸進比魚貫列行排雁序  
深勺地中泉疑灑天上雨欲揚先就抑既吞輒復吐  
盈科走溝瀆分槽遞圓圓何曾晝夜停難以千萬數  
噴薄口疑螭灌注力分枯碌碌空輾轉桔槔慚仰俯  
能令旱魃姑偏助田夫苦我家本石犀竊祿慕銅虎  
十年拋秧馬八口盜倉鼠慈閭猶啜菽健婦尚收糝  
聚首定何時觸目動羞阻何當親磳磴尚可供白粝  
他年得歸耕當為補農譜

建昌館中懷新建李琪園

同年

我輩同登第譬撒一畝菽根芽既藝種雨露滋長育  
肥瘠以地殊榮枯因材篤得時勃然興枝葉何或或  
位置或矢所甲拆纔拳縮有幸有不幸要歸運與福  
君者同料人盡占膏梁沃幾人登金鑿幾人擁大纛  
而惟我與爾駟駒共蹉跎當年三百人子齒繁如玉  
眼如巖下電詩如荀初束阿兄蚤其間豪氣頗不俗  
奈何互升沉依然舊面目競秀十年餘都似苗初茁  
不秀有以夫不實未敢卜君為西昌宰道里分水陸  
我馳南越車不得共勝促君不以价來我反以書督  
聞君頗耽酒一醒清案牘又聞食肉多輪囷大腰腹

得無騷未展。聊息樞下足。又如鵬未搏。枳棘姑雌伏。  
要之皆美種。總是易生物。長養自有期。栽培待時出。  
切無助苗長。當謀先稗熟。

香爐峽

何年香爐峽。亦擅匡廬名。秀色不待削。乃若天生成。  
峯巒似螺髻。窈窕如皇英。又如青佛頭。下俯玻璃清。  
林深不見寺。時有鐘磬鳴。天風吹松杉。江空遠聞聲。  
灘船銜尾上。挽縴互喧爭。人如沙上鳥。一點頭行。  
而我獨遲留。但愛山崢嶸。願謂航舟子。灘淺即停旌。

大廟峽

粵東山水奇。海出意不料。連朝已臻絕。茲復得大廟。  
橫江截一峯。巧奪神工造。竟不受寸膚。直以骨力傲。  
刻鏤非人為。瘦削乃逼肖。直插萬丈潭。不知深所到。  
壁罅老黃楊。何年栽石隕。其根膠漆固。虬結久不燥。  
下有朱碧門。靈祠日灑掃。傳聞虞夫人。唐時初得道。  
生扼黃巢鋒。破制峒冠暴。有功登祀典。宜膺血食報。  
我來薦溪毛。靈旗若見告。順風送五羊。免汝篙師叫。

望英州南山

我向英州來。忽見潑墨畫。隴廩傾萬斛。濃淡供揮灑。  
模糊山椒剝。迤邐尸畔解。如龍睛方點。似虎踞可戒。

或貌僧禿髮。或如人跪拜。其巔更精絕。如與美人對。螺黛掃初成。半月乍吐。眇遠望。固未實。舟近吁。乃怪。頑然一石峯。始知非藻績。造物工鐫削。雲氣又霑霏。安得大米筆。寫此形向背。

清遠峽

日日看山行。山亦日日變。就中數清遠。造物工鍛鍊。危崖勢欲合。巨靈擘兩片。鑿開混沌天。中通江一線。泉多伏莽飛。石半臨江斷。雲截峯腰齊。雨洗巖容換。木客解吟詩。楓人畫日憚。樹根長於蛇。入壁忽不見。但聞隔澗中。時有猿相喚。所見旅即忘。究竟空健羨。

不如坐孤舟。讀我書一卷。

遊峽山飛來寺

有峯懸半天。直疑不在地。傳云是飛來。如何帶有寺。後人好荒怪。殿宇巧安置。我來步孱顏。攝衣減從吏。青蔥帝子祠。荔奴蔭深處。詰曲扶杖登。十步或一憩。太空飛霰雪。噴薄出巖際。松風四山下。草木盡蒼鬱。壽藤不知年。脚底爭纏系。榕陰五色鳥。亂飛時落毳。梵唄出高巔。登眺氣益銳。老僧知我疲。邀坐供山荔。回頭笑相語。又破十方費。

羅陽試院大雨

我非百里嵩頗有隨車雨。兩月端州城日見商羊舞。  
飄蕭濕案牘。龜龜進廳戶。坐令騎射妨。仰天共嗟語。  
今來瀧水頭。晴天已可覩。豈知入鎖院。復見潤在甌。  
點滴報芭蕉。琳琅擺庭樹。首夏竟如秋。添衣欲加絮。  
翻疑有漏天。萬山深獨聚。為憐白袍人。立與秦優伍。  
經田雨雖禽不敵耕。鋤苦諸生一笑前。請學老農圖。

題海珠菴

臨流欲賦詩。偶向盤石坐。灘急萬魚爭。溪深一鳥過。  
清陰正好眠。綠淨不忍唾。忽聞驪龍鳴。驚動鼉鼉卧。  
風湧雲濤喧。雨打月光破。須臾鏡面平。照見我一箇。

楞伽峽

看山到連州。山色愈奇幻。平生所未經。盡入眼中見。  
巉峯聳一峯。中忽劈兩片。鑿空地鼓竅。逼仄天通線。  
巖有下垂雲。泉無不拖練。如入金色界。七寶莊佛殿。  
又如銀粧成。九光紛交倩。篆文螭蚪盤。石勢殺癭變。  
俗名陰洞結鍾乳。陽巖披竹箭。煙霞供濡墨。草木借  
染蒨。欲上嗟力疲。不仆訝頭顛。混混南交撐。茫茫大  
莽薦。云昔有仙人。仰睡不轉面。又聞姓丁者。蛇咬手  
欲戰。漁網雖彷彿。鷹桃俱鄙諺。獨有半霄中。觀音若  
倒纏。手散無量花。瓔珞落如霰。錯雜多羅樹。相約貝

葉爛。遂言西方事。儻恍令人眩。不如歌枕觀勝。讀書萬卷。山奇句不奇。驚人讓雷電。

和編修祝芷塘德麟侍講王春甫懿修寄通惠

河紀遊詩韻五首

監司職雖外。去京未云遠。同朝舊鴛鴦。相隔城蜿蜒。再約君勿疑。一聞我所健。長鬚報登程。水手候啟堰。一路葦風披。兩行柳波偃。泛水小鳧輕。凌空秋隼健。仙侶應同舟。况有百丈輓。如何王子猷。興盡遽言返。人事日杲杲。河水日悠悠。不因出東門。何以知深秋。我友祝芷塘。美人空谷幽。扁舟一落手。浩蕩寫新愁。

高歌凌滄波。磊落真吾儔。鐘聲撞落日。塔影明城樓。相望空蘆頭。一笑蒲帆收。見如此客不爛熳。談槽印潞水。天下源頗具。東南美綠樹。映紅橋。漕船百餘里。何意石壩邊。得我故人艤。衙榻雖繩樞。繫維亦堪止。翩翩者何人。騎馬知章似。幸不井底眠。撫掌一見喜。尊前共相笑。若我輩有幾。莫嫌酒味薄。齋本名如水。余有齋顏曰心如水

既來惜匆匆。既去猶耿耿。送君返河橋。立盡斜陽影。詰朝人語傳。未越慶豐境。津吏前致詞。聊借一宿醒。荒雞不成寐。殘燈對酌劇。憐三條冰。余弟檢討鼎元亦在聚

此一宿冷急行無善步古人言最永得魚當忘筌豈不見答筭

紛逐馳人海喧闐失天籟欲言發清興必在郊之外  
但願時時來一豁雙眸大田盤山若環通惠河為帶  
地濕雨濛濛天高雲靄靄波平愧鷗心野濶露鴉背  
況趁秋日佳慎毋失後會如續泛舟圖煩添我入畫

七月既望編修祝芷塘德麟中允王詒堂燕緒

侍講曹習菴仁虎侍學上印香渚庚寅宮詹

劉青垣釋雲泛舟偏橋灣遂至鴻雪堂讌集

歸途習菴寄和芷塘疊辛丑紀遊韻見寄芷

塘並索盆桂次韻答之兼寄諸友

去年君來遊風流事未遠歲月真如蛇不覺去蜿蜿  
今又排闥來匪我門不榘沿河雖有閘直達似無堰  
遂令斗室中共此一榻偃君疲欲小休我神王正健  
天明去何速又費百夫輓惆悵普濟邊至今猶悔返  
我如江上漁日見水悠悠君亦如賓鴻其來必以秋  
非為稻梁謀兼愛雲水幽渾如過瀟湘烟波生暮愁  
同來二三子灑落皆賢儔十年各南北何期聚一樓  
人語如宵蟲日出聲始收客去杯杓在狼籍成山邱  
我友性耽吟佳句驚子美聯翩疊舊韻寄來五十里

詩思下水船灘急不可艤。方流或遇玉洄旋。行復止。  
及起大波瀾。江淮河漢似簷下。展鯨緘。讀罷須眉喜。  
同年三十六。此才能有幾。投我以瓊瑤。報之以杯水。  
今年桂花稀。幾點晨星耿。覓之大航頭。不見月中影。  
竊疑未有禁。何竟不入境。君胡索太急。驚散一杯醒。  
中申其言。予婦言破醅。可不惜踏鐵鞋。聊寄一株冷。  
鷺嶺天香遙。莫遣婦思水。他年西湖畔。好約帶笈簪。  
好客非沽名。我亦厭羣籟。時借倒屣迎。薄游城以外。  
小色水光中。地闊天亦大。察吏半裁冠。仙侶畢解帶。  
絲竹亦清音。長杯吞暮靄。水破一篙碧。風翻荷葉背。

但願同心人。年年為此會。君如見我詩。定許詩中畫。

再和韻答之並寄程魚門

晉考

兼索其爽約詩

嘗笑唐棣詩。未思室何遠。地近尺素通。不費秋蚓蛭。  
余季解投轄。防客如防楗。許來頗近給。才回已過堰。  
一笑舉千觴。或燕或息偃。越酒正盈船。百斛扛夫健。  
沽來如拱壁。輦送那辭輓。笑謂青瑣人。莫學受餐返。  
我來雍奴邊。河鯉何悠悠。剖之得雙緘。封來月中秋。  
上言謝桂花。中有小山幽。下言謝美酒。能消萬古愁。  
中言苦相憶。同舟誰為儔。不知正挽輸。日倚漕船樓。  
天明催白鷁。夕照帆始收。何事兩夫子。詩筒積成邱。



我詩譬淺瀆。僅容小舫。乃云吞雲夢。譽言請亟止。

讀書兼讀律。駑馬馳驟似見君。疊游詩技。癢輒復喜。

究之井中。蟻所見。能有幾。不觀舟字。誤管水。只知水。

余和芷塘詩。次章幽字誤押舟字。余固不知。芷塘亦忘之也。今習菴來詩。有小誤。亦復佳。正坐君才大之句。故仍用此。

品花不在貌。令人心終耿。滿園紅紫爛。獨愛牽牛影。

既邀周郎顧。胡為便出境。至今望重來。淚滴睡袖醒。

何時再鴻雪。淺斟話酌。蕭郎非路人。孰極翻似冷。

芷塘來詩。頗怪。玉堂失約。故代答之。黃花有興無。登高趣更永。寄語羨。

魚人網不如。答簪

同年祝芷堂。僻性喜清籟。家世本華簪。結念名山西。

身瘦不勝衣。著述比身大。有似康成廬。草亦名書帶。

集中寄我詩。一一雲烟靄。相思便相見。不煩跨鶴背。

甚欲源源來。肯作牛女會。習菴來詩。有却笑寄詩。人一年許一會之句。煩君問程友。可有詩如畫。

遊杜少陵草堂 并序

丁未五月二十七日。方君文奎招遊少陵草堂。

偕蔡君雪村。子西池。李君靜齋。余君雲溪。官君

漁舟。崔君潤蒼。弟愛堂。及余九人。携樂部。汎浣

花溪沂流而上登草堂謁少陵祠周覽亭堂為  
前司臬杜公玉林新葺軒窗明秀特勝昔時晚  
方君置酒於平橋上長幼襍坐繁音迭作客有  
吹笛者許大保蘇州人作桓伊三弄崔官二君  
倚橋而歌聲可遏雲顧而樂之客謂余曰獨可  
無詩乎余曰詩當擇地非其地不可作是其地  
尤不可妄作作詩於草堂是其地矣然以少陵  
之儼然如在而率爾吮毫獨不畏此老竊笑乎  
然余與諸君薄負詩名即焚此當楮以就正有  
道抑亦今日之遊所不可少也諸君皆然余言

各作一首不拘格律雪村錦江老詩人今年七  
十餘矣故推首唱次則余餘皆以次握管崔官  
二君歌正酣不暇作作者七人須臾詩成編次  
如左時有聶君崇基箕坐橋下獨不肯吟蓋從  
余前論也諸君亦聽其意

久不見詩人相招謁詩祖孳舟浣花溪諸子候洲滸  
湖流逐鷗飛驚此一聲櫓二客獨來遲衣裳翩楚楚  
靜齋潤蒼不覺檣林礙已至草堂處籠竹各干霄六月竟  
無暑清吹和鳴琴無復計音譜平橋風微度幽徑花  
初吐脫帽看青天猶漬夜來雨借問築亭誰其孫臬

司補不必稽苗裔安置固得所差勝王錄事惜贊吝  
不許官遊三十年衣上半塵土借此滌凡襟更喜諸  
君伍詩成不敢謗畏我杜老嗜蔡君老詞人坐吟氣  
如虎一笑謂吾輩竟弄班門斧

陳夢亭携酒再遊草堂

何處可携尊惟有草堂寺清晨赴宿諾諸子連翩至  
暴雨忽凍凍簑笠不暇備入門問梵安誰識周顒治  
細徑墮幽篁屈曲得佳致遺像在中堂瞻謁頭肩顛二  
一為何氏勒刊本家藏秘一碑鏤差小乃出丁制置  
宋制置丁黼也嘉熙初元兵趨成都黼戰于石筍街而沒蜀人鑄像祀此今多認為杜公更有數

豐碣落筆龍蛇避泛草唐人詩別眩符篆字三丰與

山峯未可究同異碑款以張三丰為山峯與杜風馬牛亦復思

附翼坐令白髮僧登登日擣礮便有數袖子踉蹌安

食器陳平信可人能宰即能吏咳唾詫風雲吐嗟辨

殺裁令嚴徵事忙冥搜到腹笥簷滴漏無聲亦各酪

酌醉人生參與高掉背即異地即今星聚五豈保沙

散四何以寫雲烟火速以詩記杜老不云乎文章千

古事

為海明和尚題一笠亭

海上僧來見我先一揖雪鬢霜髭眉叉手道旁立

手中何所攜。蓋筍鹽豆汁。知我我山來。曾拾天門級。  
 兩袖猶攜雲。雙鞋尚沾濕。誤謂赤松張。不知穢史習。  
 自言有蘭若。叢林近彭邑。適於梵宮左。小亭別誅葺。  
 山形如笠形。乞名賜新什。我聞暉禪師。棕笠岩中拾。  
 又聞釋利登。蓬笠種田隰。他時草堂成。便名曰一笠。

遊青城山

昨日辭丹景。今朝登青城。名山遊既遍。漸覺芒鞋輕。  
 飄飄從東來。恍若御風行。舉衣凌青霄。文人遠相迎。  
 遂至軒轅臺。古洞聲泠泠。云昔張道陵。煉性門常扃。

人騎黃鵠去。空留芝草青。至今六時水。猶刻符篆銘。  
 咄哉試劍石。想見驅風霆。離立何年劈。尚使魑魅驚。  
 邪氛世豈罕。何必皆山精。我欲持此劍。盡掃諸有憑。  
 區區甯與范。枯坐求長生。冲飛竟何益。要皆歸杳冥。  
 昌蒲果可服。吾欲誅九莖。

寄蜀中四仙尉

四仙尉一彭縣。盛世綺竹戶。秀水人善篆。隸一安縣。  
 顧厚堂嘉善。人工畫山水。一彭明尉周琦。大奇大。  
 與人善草書。一我眉李源子。靜通州人。工詩。

蜀中四仙尉。盛顧周與李。彭州工篆隸。敦藝辨戊巳。

厚堂工水墨。巨然亂真似。昌明好草書。拈筆用兩指。  
一子以書名。一掃踏千紙。而獨我眉翁。抱膝吟不已。  
家住田盤東。遠宦平羌止。忽見我眉月。自號卧雲子。  
四仙皆酒人。白眼看凡俚。而於老農中。獨於我予喜。  
自遊名山還。相思隔烟水。夜夢輒見之。可惜道千里。  
傲更囊苦貧。好客壘每恥。何人為薦拔。治中資佐理。  
因風為寄聲。吾亦漸老矣。

客至

跣足卧西軒。客至慵不起。自言城中來。新詔憐赤子。  
盡蠲今年租。歡聲沸閭里。聞之慰老懷。種秫已可喜。

又添數甕雲。幸免醴如水。自漸久疲癯。痲瘡搔滿指。  
但覺筋力健。蓬頭自梳理。起來索布襪。忘失草堂裏。

哭陳蘊山一百韻

嗟余寡所諧。四海一蘊山。結交三十年。豁達傾心肝。  
久要金石固。何期溝壑填。暮雲一朝斷。悲風千里寒。  
憶昔己卯歲。石室借文壇。見君于錦江。意氣何騰騫。  
才大屈小就。副車誤中韓。我輩愧登科。君適薙成均。  
敢屈弟子列。聊作忘年論。癸未讀中秘。君亦宰同安。  
相距不百里。相思即跨鞍。劉天李漱姜錫張嵩孟年  
皆川之所賢。每于酒酣後。議論翻江湍。能為青白眼。

不作忸怩。顏遇物苟不平。大呼助必殫。我時服初闕。  
補官如積薪。借責孰傳別。周急同及門。蛟龍得池水。  
遂起涸轍鱗。再陞考功司。持衡南海澹。歸裝未改做。  
觀察潞河濱。此皆君之助。愧我非其人。而君方艱居。  
誰為匡寡聞。鴛本不任重。鶴豈可乘軒。一蹶雖復振。  
再起遭前冤。愆尤固自取。媒藥復多端。天威殆  
不測。罪重實負。思君時我僚。屬急難如在。原晏子  
解驂乘徐晦。送藍田。馳驅百身贖。乃免竄極邊。核簡  
部例。迫代完三千。緩函海刊。未成代償。三百緡。此又  
君之力。休戚抱痾瘵。苟非鮑叔知。此身安得還。曾憶

卷二

十七

乙巳春歸程。渾河干。君方邀新寵。行水邁絲堙。留我  
桃花汎。百口叨盤餐。苦勸服官政。竟欲謀灰然。予曰  
且歸歟。尚可供粥饘。子稚失教。况有高堂。萱君亦捧  
腹笑。謂我言為然。坐指四兒女。婚嫁遞朱陳。明珠雙  
白碧。翡翠金花鈿。堂前宴賓客。簾內羅嬋娟。氍毹陳  
百戲。鼓樂喧四筵。方卜飲晝夜。肯顧年華顛。明知各  
桑榆。欲言聲復吞。晚當宅相近。免當早完姻。誰知即  
死別。回首黯傷魂。猶憶去年書。灑灑千餘言。先言西  
藏動騷驛。羽書繁曷不事遠游。里居良獨艱。浮江探  
名勝。倡和皆雲淵。輾轉至京華。楊將為子懸。再言

童山集

卷二

十七

陸下聖。側席方廣延。况際無疆日。天子萬萬年。  
嵩呼搖山岳。經壇踵聯駢。公卿舊屬目。薦引豈無緣。  
棄瑕或重錄。可還本分官。其言甚迂遠。其意良篤敦。  
翻覆百遍讀。冷屋為之溫。老妻喜不寐。便為檢行纏。  
侍妾冀相携。粉面爭光鮮。稚子舞破瓮。繞膝相衣牽。  
廝養皆直人。相慶整歸鞵。其時歲正臘。闔戶皆歡聞。  
蹉跎未即行。遭訟事連遲。遲春徂夏。始得脫拘孿。  
正擬戒行李。相晤曝書前。豈期道聞訃。頓屈遊戎旋。  
雲谷口中說。芷塘座上宣。坐令一夕。淚化為萬頃泉。  
驟聞悲且詫。既久疑未真。君年未衰老。霜鬢初侵根。

陸下聖側席方廣延

十八

食肉兼人量酌酒。不計尊君才。老益練。勤極彌精神。  
豈有筋骨壯。而受風霜患。漸聞信益確。始覺憂心。  
帽。子幼初總角。塗鴉字未全。弱女得賢助。女工猶欠。  
便。自君瞑目後。提攜孰為憐。知君無餘財。清白貽子。  
孫。南部去永定。道里半鵬搏。歸安知不易。誰為贈賻。  
錢。以此心如割。痛苦劍鋌攢。出愁入亦愁。行止俱兩。  
難。嗟君胡竟逝。君實全蜀冠。朝廷重河防。屏風。  
名。早篋超擢必。總河榜樣前有蘭。錫云何不稍。嵇奄。  
爾。為長眠。嗟余雖林下。敢忘夙昔。諄感恩與知。已要。  
歸。聖明君。豈無安石志。日暮途遠。迢迢里長如劫。

陸下聖側席方廣延

十九

盜老婦倚門看。誓欲傾家贖。仗君如仗天。云何不稍待。遽隕若墮垣。嗟君今逝矣。余復何賴焉。子既不克肖。鄰亦多藏奸。悔尤少。佛懺駐顏無。仙丹卒為鄉人老。空有虛名傳。臨風北望哭。哭罷天為昏。

滅徙

釋名徙癰也。蓋移徙處地自廣也。余有癰始在足腕後。移兩項百治不驗。綿竹何鰲峯教子。驗方以田中秧。螞蟻搗爛塗之。痛數日根株可絕。余遵用之。項肉噴起。呻吟五晝夜。癰決如崩。膚落滿地。徙滅而余亦委頓幾絕。蓋

用濟河焚舟之例。以滅徙實割地以予徙也。因作滅旋詩以自警。

瘍經一百八。惟癰最頑却。其性善遷移。健號故名徙。雖云不足憂。輒與項唇齒。乾涇風馬牛。沙蟲聚族起。竄居皮膚間。早晚謀不軌。始徙之來奔。在項下宛底。築郭纔如錢。不直罨不理。偶然值蠢動。抑搔亦可喜。後乃據咽喉。夾項依兩耳。荷葉簇魚鱗。剔批費摩揣。扶之肩騷騷。快意恨少弭。一痛乃徹骨。膏血流不止。方知為內患。府藏猶遠彼。遂疑為外憂。螫賊實在裏。屢攻寇益訖。息戰騷又起。憂將同百年。禍欲延千里。



戴天非不共。墜地懼無已。不許吳越成。竟憤齊魯恥。  
 謀之藏與獲。不疾疥蠹累。謀之妾與媵。又作投鼠擬。  
 醫國等醫人。非戈亦非矢。不知何方人。款門願除此。  
 自言青腰蟲。人號秧螞蟻。家世本農居。春夏常行標。  
 知君有隱憂。故獻計一紙。君欲除巢穴。視之如折筭。  
 但須能割愛。仇敵乃披靡。聽則為君滅。否則騰身駛。  
 便持伐性斧。請從將軍指。遂揮三十人。竟投從國壘。  
 戰聲。五。日。夜。從。子。化。為。水。健。兒。無。一。還。項。亦。皮。捲。矣。  
 惜哉青將軍。忠冠田橫士。封邱未見褒。闕恩當汗泚。  
 而君亦鮮孝。一念忘身似不凍。垂堂戒髮膚。甘自毀。

然項之為項。倔強固可恃。筋傷非不苦。赴敵不稍俟。  
 寄語小公麼。未平諸瘡痍。勿再欺項君。定計在咫尺。  
 誰為詩代傳。項主人姓李。

奉和祝芷塘德麟同年典試道出羅江見懷元

韻即邀明日同遊草堂寺並簡嘉定守曹秋

漁焜焜同年俱到

京中易得朋。林下難覓友。君銜王命來。恰我歸蜀。  
 後初聞默自祝。佳會良非偶。祇愁李下嫌。整冠戒加。  
 首。昨者輜軒過。蹇驢避道右。相對隔雲泥。不敢肆狎。  
 狎。今朝歡相見。屈指闊月九。起居高堂萱。問訊靈和。

柳契深話亦長。追往容屢愀。維時曹嘉州。給事皇華。壯當年我三人。如鳳共一藪。升沉八年間。似隔紀與。菲嗟余獨蹭蹬。衣袖猶深黝。廣廈得造談。賴此賢太守。余季雖能文。翩翩寧識某。戰場迷五色。獨拔幸亦苟。我家潺亭西。頗有田十畝。下俯芙蓉溪。遶樹堪攜手。過門無可入。敢曰登拜母。明日草堂寺。此遊真不朽。千里來劍南。倭遲况未久。少陵已歌絕。亟借詩人口。勸君速命駕。他事無被肘。野鳥望行旌。溪魚仰山斗。正屈重陽期。問君有意否。

龍洞

羅江多靈山。大半空其腹。鎮以鹿頭關。下有癡龍伏。昔者李道人。騎鶴來棲宿。御爐焚乳香。乍訝雙童出。不知何年湮。竇門版堵築。尚有一泓泉。冷然可纓濯。淺深渾不辨。但覺黑煜煜。試以石投水。礮礮轉車軸。訇訇如雷鳴。驚起兩蝙蝠。從者愕相顧。俯視為踏踖。老人為予言。曾於此伐木。斧聲一丁丁。鼉鼓應深谷。天旱水不枯。夜寒月可掬。其洞本呀然。四時流五穀。曩有窮源者。捫壁必以燭。石扉欵青苔。香氣觸甘菊。就中別有天。髣髴先入目。忽聞雞犬聲。徐步乃退縮。獻賊屠蜀時。民避以為屋。至今窖室中。尚有骷髏哭。

近年亡命徒逃獄畏官。逐往成淵藪。藏匿聚奸族。  
 因之塞其竅。僅可供沐浴。嗟天生民。豈必在鞭扑。  
 作孽雖自求。教養歸良牧。我願開此山洞。然見心曲。  
 德政化頑梗。寬仁變局促。庶幾刑罰中有所措手足。  
 不但世宇曠。亦可訪古蹟。何當勒此言。永為萬姓福。

艾鵬九惠眼鏡

筭。令。手。生。涼。鏡。令。目。生。光。閨。五。出。門。後。二。物。常。携。將。  
 筭。雖。不。離。手。偶。失。亦。無。傷。鏡。若。不。在。目。遂。覺。兩。目。盲。  
 豈真為鏡盲。而視早茫茫。有則細守過。無則廢參詳。  
 我有水晶鏡。產自西海洋。巧匠琢磨成。日月來雙眸。

昨日出錦城。偶失青石坊。失鏡如失目。遍求為傍徨。  
 刻舟記舊痕。健步走踉蹌。日中期不至。武陽聊停航。  
 艾子城之南。命駕為此忙。知我目失恃。有如唇齒亡。  
 出其癡叔儲。倒贈傾笥囊。兩目忽開朗。讀書聲琅琅。  
 不足乃求助。此理老漸嘗。髮已霜雪侵。牙又咀嚼妨。  
 日有鏡可明。牙髮將誰商。况嬰身外物。所值寧相當。  
 書此以送君。筭鏡俱可忘。

五色菊

菊色不能五。皆由人為之。斬艾本非類。竝栽向東籬。  
 邪正雖難容。脈理或相宜。刀剗艾之半。剪挿所貼枝。

束縛使相交。暗長復潛滋。久而與之一。遂不辨面皮。  
 飄灑玉露中。失其清瘦姿。紫艷黃白花。肥大如秋葵。  
 豈知非本性。習染化為緇。陶潛過不採。屈平辭不摘。  
 問誰使之然。陰長陽亦隨。臨風生感喟。此理可書帷。  
 交惡如鮑肆。交善如蘭芝。君子慎所交。無與小人比。  
 所以子墨子。垂言泣染絲。

六十一效白樂天體三十韻

五十已衰頹。六十尤羸弱。何況又加一。氣血益瘦削。  
 須臾半如蠅。髮侵已近鶴。妻怪夜矢遺。人驚晨齒落。  
 入喉須沸湯。暖胃惟執藥。膈溫豈葑前。口慣菜羹粥。

常時尚可支。八月痼必作。發時終宵呻。嘔餘數日惡。  
 絕糧似在陳。復歸喜於亳。延醫走什邡。進羹始一勺。  
 就暄亦扶鳩。回陽迺躍雀。應如蟲坏蟄。底事燕巢幕。  
 昨宵來涪城。意似到沙漠。風射愁壁穿。雨侵嫌幔薄。  
 每替人糊窻。常破已慳。素直疑蕩爾。身不知何處著。  
 幸僦萬壽宮。寬可三畝廓。終朝只居樓。經旬不下閣。  
 舊方畫葫蘆。新瘳戒杯杓。但慮心腹稀。難逢手足託。  
 攬衣嗔僕遲。嘗饋欠兒嚼。有呼誰應門。無伴自攜鑰。  
 掩戶苦慙悶。出市慚矍鑠。却憶梓里安。不受踪萍泊。  
 偶寒婢抱衾。稍饑妾捫酪。半背擁宋郊。一捻憐沈約。

况有園盡花。適我池初鑿。縱令缺謳詞。未至全寂寞。  
思之暮年宜。畢竟在家樂。誓當歸去來。勿為識者謔。

切磚三十韻得切字

唐堯尚土皆。夏后變垣埽。烏氏始造埽。陶人改為切。  
每遇穰穰收。適與耒耜別。先檢田畝寬。後除沙石潔。  
風吹氣欲潮。雨多水宜泄。汲遣兩夫洒。乾妨十字裂。  
叱犢侵晨起。駕牛終日繼。碾去碌碡忙。鞭來轂觶憊。  
地既如掌平。人亦忘口吸。拖刀形似犁。負索力盡竭。  
直此牽絲繩。深剛合車轍。法全賴起整。光半疑冷鐵。  
其利王能斷。不舍金可刻。劃泥如劃餅。履夕如履雪。

布指便知尋。舒肘未妨掣。似葱不爽寸。如竹剝為節。  
一翻一塊成。再剗再甃。搗到手已萬餘。過眼纔一瞥。  
片刻疊崇墉。午景方樹臬。擬磚尚須磨。名坯因待熟。  
富豪候出窰。貧戶便取挈。予家墻苦卑。卜築匠亦徹。  
夏霖遭汎漲。秋井塌園缺。有客什邡來。謀洗前工劣。  
許易新瓴甌。竟付舊吟嘷。不日看成功。維時正寒冽。  
何但索綯乘。兼借茅廬結。外加朱粉飾。不異雕鏤築。  
救急甚燃眉。廢食豈因噎。莫學陶侃運。寧守扈累拙。

藹藹吟

丁丑歲調在嘉禾始謁大司寇錢文端公香

樹先生於里居余以賦春蠶作繭詩有不檢  
還自織非彈却成圓句受知先生癸未調始  
由中書舍人登甲科選入詞垣雖足慰先生  
望而既得旋失改官銓曹日事簿書蓋年與  
學俱不殖將落矣今年秋調遭先大夫故留  
滯京師檢案頭舊作幾至盈千雖風雲月露  
遺笑前人而黃金擲北又覺可惜因且刪且  
改汰舊稿十之五六存三四焉因作繭繭吟  
一篇以志始末

朝為繭繭吟清風吹我襟暮為繭繭吟明月照我心

我心向所憶乃在構李城觥觥錢夫子。我冠坐前楹  
身退心在國年老俸猶增憶昨拜絳帳後堂聽談經  
面賦春蠶許竟荷驥子稱有似遇昌黎無異識韓荆  
遂作青雲附翱翔上彤廷初直紫薇省花判刻無停  
轉補學省官奪席文壇登直提制舉科承明著作庭  
風送江湖上人傳科第名吾師聞之喜不負夙所評  
爾時亦自詡欲作和鸞鳴豈知駑駘力千里不能勝  
徒為醜甕雞非復垂天鵬唯有詞章癖精神窮盡增  
壁如嗜土炭痼疾無由平閑來理舊業殘藁紛箱騰  
茲事雜鄭衛正始日飄零談談辨唐宋一分溝塍

詩魔滿大地。文訟成囂騰。正如處暗室。不見朝日昇。  
又如瞽者行。俛俛不計程。嗟余豈得道。放言招俗憎。  
但別彼偽體。以陶我性靈。呻吟非無病。炎詹俱有憑。  
即觀篋中句。豈掣碧海鯨。羣兒輒大笑。知我信我能。  
誓將千載期。不與目前爭。因念束縛意。頓觸纏綿情。  
我聞蠶之物。浴日為龍精。西陵遺奇種。桑織多利贏。  
三眠始能起。萬縷皆經營。七裏始成錦。黼黻昭文明。  
短為朱絲直。彈出古韶英。長為汲古綆。經史如貫繩。  
當其作繭時。衛身殊層層。詎知還自裹。蠕蠕旋就烹。  
嗟哉有用物。反為無用傾。嗟哉不材器。翻比有材亨。

君謂余不信。聽我喃喃吟。喃喃吟未絕。秋蛩助予音。

童山選集卷三

錦州李調元雨村著

廣漢張懷漑玉溪編

荷池引 蜀樂府七首

弔蜀近侍嚴蘭珍也蘭珍華陽人父椿茂  
邑諸生蘭珍工書法年十六與同邑齊飛  
鸞許若瓊李麗華同選入宮甲申十一月  
賊攻城急蘭珍于月之晦日投西浣荷池  
死

銀塘昨夜芙蓉泣錦城將染黃巢血一聲鼙鼓動



地來滿宮粉黛無人色。妾家華陽十六餘。豆蔻花  
開二月初。曾侍吾王供翰墨。肯教辰賊佐校書。塵  
土蔽天流血水。惟有荷花嚼無滓。誓將亭亭不汗  
身。對花先向王前死。池水滲滲今幾春。夜夜秋風  
吹白蘋。烈魂雖杳親書在。隻字猶珍衛夫人。

御溝怨

吊齊飛鸞也。甲申十二月朔。王同周貴妃  
自經端和殿。飛鸞躍入御溝死。按別有成  
都王至澍。太平王至淶。投宮中八角井。同  
死。

君猶進城。城未閉。城頭大呼屠伯。至紆紆宮。文出  
王宮。逃竄不復分。唯雄蜀王已縊。端和殿貴妃從  
死。色不變。八角井中二王殉。又見御溝女。鐵人女  
鐵人。是何名。齊飛鸞面如生。可憐身死名不死。人  
傳姓氏。留青史。向者奔出誰家女。

銀瓶擊

吊許若瓊也。王歿之日。賊入宮。逆闖王宣  
執瓊。見獻賊。賊喜。偽封皇后。夜半寢宮。  
瓊持席上銀瓶。擊中獻賊額。賊大怒。戕瓊。  
右臂。瓊復以左手撻賊。賊又戕瓊左臂。罵

不絕口賊衆驚之

駁卓轟轟城門開賊如虺虎天上來黑雲白晝飛  
紅雨哭聲震天宮已啓此時阿瓊在何地別藏荆  
軻報仇志宮中歌舞夜偏長恨無七首乘賊睡席  
上銀鞋當利刀一飛擊去腦流膏賊大呼羣賊至  
刀兵齊下折兩背兩膝雖折終完名今日方知許  
飛瓊

漢殿仙

弔李麗華也麗華幼慧父友許寬義嘗以  
吳江月令對華應曰漢殿秋其家因呼為

漢殿仙賊既破蜀宮幽鎖密處華絕粒五

日不死十二月六日吞金卒卒時與蘭珍

飛鸞若瓊年皆二十歲以上見聞幽錄

天上姮娥月中女降下人間作妃子曾從廣寒宮  
裏生肯向逆賊營中死赤眉去黃巾來金粟茹玉  
顏頰地下竟無乾淨土仍奔蟾窟上天去

老神仙

為陳士慶作也鄧州人初為塑匠自言從  
終南道士授禁方四葉飛為人接骨續肢  
無不神效曾為孫可望接活美人又活白

賊為養子賊中皆呼為仙獻有愛婢老脚  
誤及洞見臙腹命醫之七日而活賊喜疊  
几為臺使登絕頂令眾賊羅拜封為老神  
仙賊誅後從李定國至騰越病死蜀人劉  
文季蒞親見之屬方邵村亭咸為記其事  
詳見虞初新志

我聞神仙愛官職不聞神仙亦從賊何万壘所冒  
仙名公然與賊為賓客自言曾至終南山乞得仙  
書洞裏還中有禁方纔四葉接骨不爽毫釐問不  
知何時賊兵至虜在戎營中醫士篋中先起孫美

人陣上又活白養子三千粉黛列如雲就中老脚  
能掌文無端反又誤傷腹洞見心肝賊欲哭立即  
傳呼老仙至莫謂我刀鋒不利半夜纔敷白水膏  
平明依舊紅樓侍從此賊營聲震天築臺屋拜老  
神仙萬几作梯高不墜老神仙名天下傳如此名  
醫不醫國却去賊中醫首賊我欲殺仙報蜀雖惜  
哉仙死賊亦殛

狗皮道士歌

狗皮道士乞人也不知姓名但見身着狗  
皮時學狗吠故各每侮弄獻賊賊入城時

嘗攔馬作犬吠。賊以刀斫之，不入。彎弓親射之。反中賊馬，賊反避之。元旦賊僭登殿受朝賀，忽見道士。狗皮執笏立班中，令人縛至。道士作犬吠，則城中犬皆吠，吠聲震天。對面不聞人語，賊懼乃退。道士亦不見。陳定九鼎曾為作傳，其殆左慈之流歟。狗皮道士不知名，以皮為衣，狗為聲。乞食成都，偶一吠城中，百犬皆吠，驚忽聞獻賊鳴騶至，突向馬前作犬吠，賊怒彎弓射不入。反中賊馬，立斃。是時獻賊僭稱王，百官稱賀如朝堂，忽見道士立班。

內狗皮執笏隨班行，獻賊由來狗天子。一時百官狗而已。道士以狗為詼諧，反借狗皮整綱紀。嗟乎狗皮尚與賊為戲，豈有人皮反畏避。君不見驅賊入蜀，楊嗣昌人皮不如狗皮良。

青羊宮

傷蜀士也。賊說稱開科，用軍法發遣諸生不至，繫戮既至，盡殺之。西門外青羊宮凡二萬二千三百人，筆硯堆積如山。又開科取武狀元張大受，寵賜無比。三日闔門盡誅。

又人怪事竟至此。二萬秀才同日死。宮中筆硯堆如山。門外浣溪血流水。玉石不分盡遭戮。若比焚坑禍尤酷。即今元氣雖復還。天黯猶聞酸鬼哭。富貴本浮雲。儒冠亦悞身。君不見同時狀元張大受。三日榮華萬年臭。

採珠曲 粵樂府五首

合浦遠池皆蚌窟。朝夕珠光孕明月。每年秋夕曬珠時。半天閃爍紅霞發。珠有盈虛採戶知。春來先賽白龍池。目眩金銀島。邊樹手拂珊瑚石。上校海底螺筐何處探。藤條探絲人髮纒。翻濤慣與惡龍

爭入窟。窟解巨魚啖。可憐性命繫緇繩。得珠多寡仍無憑。摘來驪頰兩三顆。盡出鯨波幾萬層。古時買珠賤如米。今時珠貴乃無底。天生長養須待時。安得年年事淘洗。當今聖王不寶珠。屢却殊方貢獻圖。但願法廉俱仰體。神物不徒留海隅。

青雛引

青雛狀如鴿。青色喜食橄欖。烏者團圞吞之肉爛。乃吐其核。宿則倒懸一足樹杪。可弋得之。亦有生於檳榔林者。故山歌云。寧食我橄欖。莫食我檳榔。其詞頗近樂府為

足成之

青。離。何。處。來。食。我。橄。欖。肉。飽。則。吐。其。核。宿。則。懸。其。足。寧。食。我。橄。欖。莫。食。我。棋。榔。橄。欖。留。與。客。棋。榔。留。與。郎。

沓潮歌

沓。潮。來。沓。潮。去。來。如。乘。風。去。如。雨。與。郎。朝。暮。同。沓。潮。不。知。郎。船。在。何。處。虎。頭。門。外。波。淫。淫。羊。城。門。內。信。沉。沉。春。汎。冬。汎。尚。有。定。唯。有。郎。心。無。定。心。郎。心。不。似。潮。儂。心。與。潮。赴。與。郎。今。往。來。但。以。潮。為。度。

蜘蛛曲

蜘蛛曲者。粵中蹋歌不用弦索。往往引物連類。可勸可興。其詞長短不一。余合採之。而為此曲。

蜘蛛曲。妹相思。花不年年。在樹上。妹不年年。作女兒。天雨蜘蛛。宵結網。想晴惟有。暗中絲。

蕉布行

有客贈我布。一筒光如漚。麻色如棕。霏如蟬翼。微烟罩。細比蠶絲。薄霧籠。廣州女兒。蕉作布。拔釵先買芭蕉樹。穿來只見玉梭投。挑去唯將金針度。可憐手爪世間稀。終歲成疋不下機。餘紅猶作龍鬚。

席外處多傳蝶。繭衣嗟爾小。民雖刀未官。廉豈有  
豪強奪自笑。商來亦欠廉。公然也授一。端葛

兩癡老行

昨夜夢向東海東。忽跨黃鶴騰長空。函谷關頭遇  
老子。頰眉似雪行似風。餌我丹砂授以篆。招我携  
鋤斫黃龍。赤城絳闕參差是。弱水萬里飛如蓬。方  
瞳道士呼為友。槐山老父許還童。旁有二老撫掌  
笑。倘能如此我得道。回首問渠何姓名。秦皇漢武  
兩癡老

東門行

魏魏大第城門東。文栢為梁泥粉紅。風臺月榭若  
雲霧。半空架起蓬萊宮。令公功高寵無比。象牙犀  
簞常晏起。粉黛叢中千毛嬙。蒼頭脚下百珠履。鳴  
鐘讌客春光賒。猩唇熊掌侔天家。美人善作掌中  
舞。術士能栽盆內花。繞座無非優雜輩。興酣別喚  
彈箏伎。蜀中新到野狐歌。楚外更傳玉豹至。子夜  
歌殘席未終。豈知平地起兵戎。堂前頃刻生荆棘。  
羅雀門外多秋風。君不見前張陳。後蘇史。翻雨覆  
雲總如此

惡少行

誰家惡少橫閭里。屠沽欲報仇家子。三尺吳鉤白  
繞身。血流五步當街死。君不見李熊為盜鄴中豪。  
轉禍為福官職高。又不見韓信甘受跨下辱。終拜  
王侯享大祿。丈夫生不五鼎食。死即五鼎烹。朝廷  
所需正爾輩。何用為人報不平。方今四海正清晏。  
寶刀不用明如電。三橫一變作忠臣。昔年周處是  
何人。

美人行

青春華宴張翠帷。吳姬越女裁冰絲。翔飛翠曾烟  
參差。珠翹摘阮為君嬉。玉顏纖手傾玻璃。汝南鷄

喚天河移。激楚勸君君莫辭。君莫辭。妾當舞君不  
見。美人轉瞬亦黃土。

邯鄲曲

妾家本是邯鄲妓。明粧墮馬冰肌膩。繡襦窈窕彈  
秦絃。龍婉鸞驚舞交翠。折腰錯落鳴六銖。合彈  
小轉。勸君醉。勸君醉。異君憐。願為天池並蒂蓮。鴛  
鴦雙雙飛上天。君憐不憐君自知。無端秋風  
吹。夜來多少傷心事。背立銀屏淚暗垂。

西山觀觀石壁所刻揚子雲真像歌

四山冤鳥清晝聞。攀藤覓路松巖分。中有石像鬚



眉古壁窠題漢揚子雲。嗟公吾蜀詞壇祖。前無相  
如竟誰伍。惜未抽身居攝年。至今後人稱黨羽。笑  
公口吃談非便。我為公辨然不然。當年石牛符命  
起并邊。鬼夢呼天子。市上小兒皆王侯。獨君三世  
官不徙。可憐閉戶真。泊如可憐著述甘。窮居倘使  
窳名緣。獻匱肯教投閣為校書。君不見虞帝七首  
竟無憑。漸臺美人呼不應。銅人夜徙悲長樂。翠恩  
曉望哭延陵。奸雄氣焰空復爾。藏執收聲正謂此。  
早知一跌能赤族。悔不來參太元理。始信蚪蝸騰  
九閭。龍蛇不蟄必湛身。眼前桓子真知己。身後侯

芭。是解人。今過西山讀書處。令我流連不能去。拜  
罷靈祠富鳥吟。似訴短歌明我心。君不見佐命劉  
甄。何其榮禍至。猶看太白星。

謂楊升菴祠

蔓草高墳。巖巖碑。文忠故宅。繚垣墮。公子遠謫。頌  
南死。始康郭外。留荒祠。當時議禮。誰為主。瓊華逢  
君為首輔。撼門一慟。震闕廷。至今御河白虹吐。大  
禮未定。身先危。杖之不死。神鬼持。插花盤髻粉傅  
面。醉來裙衫當臨池。可憐一字千金直。急付裝潢  
尚難得。百峒獠酋皆知名。九重虎豹竟不識。丹鉛

錄比離騷詞有明博學無與媿野人固自例遣謫  
潮陽僭耳無此悲至今流水祠前溢猶自聲聲向  
人泣試哦海畔孤臣詩不覺淚下如雨汁

古劍吟 和王漢韻

夜聞雷雨吼飛泉鋒芒上與星斗躔曉來放出琉  
璃匣青霜一道翀雲烟飽聞昆吾玉能斷又聞武  
庫遺火變平生膽氣不解柔天生剛骨神鬼愁何  
湏太阿夸徃古石函遠出豐城土但令有人加拂  
拭猶擬呼龍夜行雨

園墳嘆

於柏鬱鬱中有墳。理。隆穹高南村。朝來不知誰  
氏子。買莊恰恰鄰墓門。子孫雖貧墓基宅在寧肯將  
墳當田賣。眼看地面屬他人。不許麥孟親灑拜道  
逢官府牽衣哭。官解長繩一丈足。縱橫十字套為圈。  
圈出不許後人贖。君不見寒食家家上塚時。烏鴉  
銜肉啼高枝。烏有母兮枝有木。君家亦有塚累累。

咽嗆曲

頌福制軍也。咽嗆者。蜀中匪徒之稱。公兩  
任蜀。而此輩斂跡。蜀民無不望公再任也。  
黃籐長線雞。短青天白日。兵戈滿黑錢。去紅錢來

山橋野店雞犬哀。殺人<sub>不償命</sub>。都冒古名姓。夜來假面<sub>劫鄉人</sub>。平明縣堂充保正。刀為益州劍。為聞天胡<sub>不將此輩戮</sub>。安得再來閩內侯。盡使帶牛兼佩犢。

觀錢塘潮歌

八月十五錢塘潮。吳儂拍手呼相招。士女雜坐列城下。人聲<sub>反比潮聲</sub>。高江頭。日上潮未起。漁子拿舟泊沙嘴。笳鼓<sub>乍鳴</sub>。人競看。一齊東向滄溟指。忽聞江上聲如雷。迢迢一線海門開。萬馬奔騰自天<sub>下</sub>。羣龍<sub>蹀躞</sub>隨波來。潮頭十丈飛霜霞。水氣橫空

天。為破碎。城為搖。百萬貔貅初罷戰。迢遞市聲死。羣兒<sub>夸強弄潮水</sub>。小舸顛簸似浮萍。出沒烟波裏。我<sub>是人海中一粟</sub>。覩此目眩身

鷗明朝風靜渡錢塘。猶恐再遇靈春霧。

拉馬行

各行至縣城城外聞拉馬。云奉上官票。行裝且須下。縣堂擊鼓點馬夫。縣官排衙吏傳呼。里正如狼<sub>差如虎</sub>。馬瘦如狗。客如奴。富客競輸錢。汝馬暫免牽。貧客無錢聊守坐。公文急迫當忍餓。却看驛馬肥於羊。沙眠草<sub>嚙白</sub>。倘伴借問<sub>此馬誰</sub>。所<sub>鞋</sub>但云

官不出門用

觀繩妓歌 在錢香樹先生生上作

平場如削城西隅長繩挂竿尋丈餘美人捲袖翻  
空擲觀者如堵爭喧呼一髮千鈞等兒戲弓鞋來  
往如平地乍驚波上洛神遊却訝樓頭綠珠墜游  
絲裊裊動長索應是五銖仙體著翻身一躍入雲  
霄但聞環珮空中落別有循環姊妹行掣電流星  
矐眈光閃然欲下不肯下纖腰倒挂學垂楊舞罷  
人看傾國文粉汗釵斜態亦奇一聲雨點催花落  
街風細裙帶垂樹影西斜日卓午坐見此伎世

無伍乃知人間蹈險人挹其容顏正媚嫵

憶昔行送合江令蔣時南文奎

憶昔逢君揚州城然諾直欲千金輕馬上論交即  
千古眼光對我秋江明星斗無端忽南北南鄭城  
邊別不得自携雞酒話離愁日脚欲壓華山黑豈  
憶才名三十年鄭虔還坐廣文壇一朝擲筆騰空  
去十八瀛洲春宴還竭來謁選驚老醜白云折腰為  
五斗踏遍天下今更奇劍南山水落吾手我方卧  
病辭承明林泉之樂思至今他年拄杖為老民花  
柳村中聞好音

成都遇朱子穎孝純

於護國寺出遊我眉詩

見示為作長歌

朱髯出守不得意。襤被來投護國寺。吟聲驚起錦  
江濤。高眠謝絕門前騎。我自臨邛道上来。處處見  
君題壁字。聞在浣溪樓下居。排闥直通不用刺。聚  
散升沉十載餘。相看一灑文夫淚。怪吾面帶烟霞  
色。飄飄語有凌雲氣。為言千里來劍南。山水足稱  
平生志。栖遲總為一官懸。今朝始脫銅符累。大哉  
仙人忽相招。明月半輪掌上墜。翻身直上雪千層。  
衣衫亂飈空中翠。蕩蕩天門捫正青。恍悟前身香

案吏俯視全蜀如井底。紅塵漲繞正糜沸。豈知蓮  
花頂上人。坐燃枯藤餐百卉。歸來落筆無五嶽。陡  
覺星河入胸胃。倒海翻江人世忙。天下此遊寧有  
二。可憐寶山空撒手。依然不救糧與糒。祇餘兩袖  
生清風。誰能分惠爛羊尉。交如北海吝一錢。未免  
搖尾增心愧。東西南北馬啼脫。迴翔暫借立錐地。  
唯餘癡床頭一甕雲。日與老僧拚一醉。何意大暑來  
故人恍若將軍

天上至語猶未了。雲雷作留客眼青。鬚磔蟬勸  
君休矣勿復言。我亦人情今歷試。但當沽酒百餘

航容吾卧榻且鼾睡

和鐵冶亭保聽程魚門音芳說鬼元韻

李子。麓豪膽無比。一生畏人。不畏鬼。髯翁偏以鬼  
駭人。千萬魑魅出。裨史言。雖鑿鑿。事不經。月黑夜  
靜。風初停。猙獰彷彿燈下見。紙窗颯沓來。芻靈幽  
冥百怪如親矚。四座聞之。頸為縮。坐令陰風透體  
寒。擁衾不敢開。雙目翦翁說鬼極。鬼奇。鐵子詩更  
分妍媸。竊疑二子。是二鬼。十日不許來。吾惟君不  
見。既瞻作論。少人測。疑心皆自生。暗棘世間為。域  
莫如人。若為厲。禳不得。安得東南尺。郭人兼鑄

南山鍾馗神。吞盡鬼人。不作孽。波鬼彼鬼。何足贖

白題雙菘圖並序

舟中無事自寫雙菘徐申甫進士見之為  
題詩有菘根別自有真香句因作長句答之

雨村先生真腐儒。春食黃韭冬食蔬。南行舟中一  
日無思之。不置描成圖。露葉尚帶土膏潤。中心半  
飽微雨酥。何人履畦掇芳碧。想見抱甕人勤劬。宿  
酒未消初睡起。一盤何啻烹醍醐。北方苦寒百不  
產。獨稱安肅尤敷腴。蔓菁高甜滑非所嗜。波稜鐵甲  
難為道。十年久住不為肉。半為此菜拋尊鱸。今者  
落筆豈無意。藜藿面目吾知吾。中甫山人獨解味

菜根語好能起予。歲云暮矣路長紆。菘雖軟脆霜  
難枯。相屬守此無他娛。請君咀嚼助糲粗。

九曜石歌

海南粵石稱第一。韶英所見盡奇逸。署中九曜尤  
粹靈。秀出天劍洩神密。我初聞之金宮端。前督學  
金學士  
聽濤曾為余言翹首仙湖疑未必。茲來適作藥洲  
主。眼中突兀驚嶺峯。一石高聳脊皴皴。一石廉稜  
性剛率。一石磊落抵觸藩。忽起如遇初平叱。一石  
歲魁牛礪角昂首。不受丙吉詰。一石玲瓏如空櫺。  
四面煙霞為梳櫛。一石仙掌纏榕根。水底黑蛟蟄。

驚律。其中一石更玲嶸。乃合三石成膠漆。驅蛭拒  
負鷸蚌持。中峰獨帶龍鳳質。象巒合抱如拱辰。為  
君左右襄良弼。其餘坳壘俱屹然。亦似羣工護嚴  
蹕。初疑二華眼中來。復訝三峩脚下出。玻璃忽墜  
九天雲。照曜長經萬古日。鵠立相望池東西。狼藉  
憑誰序。甲乙當年南漢竊。一隅辱化為王虐。無匹  
太湖靈壁從何來。鼻人安有縮地術。九曜之名豈  
非僭。日月五星位本七。得毋自比九五尊。欲使天  
下定於一珠宮。已付水東流。巋然獨不遭蕩瀆。風  
飄雨溜近千年。後人空賞瓊瑤筆。朱顛墨寶雖淪

散聞掌跡石有米元章詩今半限池中榕根蔽之  
 事者徒歸學署余故摹搨諸刻尚盈帙我生嗜古  
 有來米齋之額云如嗜痴金石摩挲癖成疾此石一旦落吾手日遠  
 百匝意未畢茂林曾憶觴可流籠竹雅稱琴橫膝  
 惟當端具袍笏拜無為州解許同秩自笑年來苦  
 學音對石無言石應唾聊代今年試筆詩正月元  
 日歲戊戌

觀鐵公子草書歌為冶亭竹

今晨出遊苦寂寞看花城西花已落忽思公子城  
 南隅敲門驚起兩赤脚揭簾瞥見隄廩殘桂壁新

書墨未乾渴馬奔河紙尚動驚蛇入草形初蟠回  
 省主人冠不著昂首解衣正磅礴見客無言據胡  
 床墨氣薰人猶噴薄君家富貴多琳瑯宣州石硯  
 紫毫芒便乞為予揮一紙飄風驟雨來空堂天為  
 縹緲雲為立腕下啾啾聞鬼泣令人却憶淳化年  
 登登搨本如初濕須臾挽罷千鈞弩不是如龍定  
 如虎袖手旁觀膽為寒恐有龍賓出阿堵先生姓  
 鐵筆亦鐵鐵猶可折筆難折書成贈客如贈金始  
 云禮豈我輩設再請觀君詩百篇奇氣亦與書爭  
 先錦囊偷得長吉舌舞劍寧許張顛傳世人知此



今鮮矣。我自負。頗不鄙。勸君非我。勿輕與。每遇花時。乞一紙。

*[Faint bleed-through text from the reverse side of the page]*

童山選集卷四

綿州李調元雨村著  
廣漢張懷桂玉溪編

將進酒

我不如張校尉。李輕車。博取封侯。高建牙。復不如談天。行雕龍。手攔相印。為說客。不文不武。究何成。旅進旅退。終無益。東家車馬。闐門前。西家歌吹。聲沸天。壺中有酒。且須酌。莫教酒盡。求人憐。華亭鶴唳。悔何晚。咸陽牽犬。事不返。地下應無。賣酒壚。世間何事。擊空。殘人心。如面。安可窺。旁人側目。君不知。大江流水。

有窮日白衣蒼狗無盡時。我當酌君當斟。呼牛呼馬。隨君意。清聖濁賢。知我心。

結交行

我生豈不願安貧。捉襟敗絮羞煞人。我生豈不願求富。金穴銅陵不牢固。我聞士可殺而不可辱。寧以直禍無枉福。君不見伯龍欲為十一方。有鬼撫掌笑其旁。

君馬黃

君馬黃。我馬不如君馬良。金羈馳紫陌。玉勒點秋霜。朝馳崑崙夜幽燕。蕭雲一旦飛上天。天門九重多罡

風。忽然吹落塵埃中。孫揚掩面救不得。韓幹欲畫難為工。同看我馬非龍驤。徐徐緩步遵平康。君馬不如我馬良。

丈夫行

丈夫持此身七尺。安能終日心偏仄。何不躍上天衢游汗漫。九域馳八極。不然萬里邊庭開。請纓仗劍從軍臺。竊茲國邊拍騎去。烏絲帳裏斫頭迴。胡為跼蹐竊穴裏。出亦不喜入不喜。平生事業竟何成。卑哉著書凌公子。

題錢舜舉符堅訪鳩摩羅什圖

為查梧岡先生作

龍釀將軍來。曲沃朱衣赤冠光。四燭天生背帶篆文。  
來。慣向瞿曇問。圖錄明星夜曜集。靈臺主有賢臣外。  
國來道安。雖至何曾聽。呂將尋師尚未迴。豈知白日  
浮雲變。甲申不見光明殿。佛法如天救不得。尾長翼  
短空復嘆。當時誰歌阿得脂。魚羊食人無復遺。新平  
寺前成一夢。至今徒見畫鬚眉。錢郎作畫工。染翰梧  
岡什襲邀我看。當年意氣欲臨江。畢竟何曾登彼岸。  
我來拂絹寫新詩。對畫還抒送夢詞。請詢靜理旃檀  
日。可悔馳驅中國時。

謁張中丞許侍行雙忠祠

從來圍城攻既久。析骸易子古亦有。不聞食及三萬  
人。肉食盡仍死守。死守者誰許。與張戮力同心保  
睢陽。已將愛妾饗軍士。更無雀鼠充飢腸。氣吞胡虜  
聲碎齒。望斷官軍血裂臂。可憐南八真男兒。恨煞進  
明仇未洗。吁嗟南八不須悲。坐視不救亦有之。當年  
執政多左袒。莫恨進明恨房瑄。

琉球刀歌

為王夢樓先生作乾隆丙子先生從全侍讀  
穆齋冊封琉球所得雪夜出示要余作歌  
先生雪夜招我飲寒光逼座半。醕酌與酣出示琉球

刀挂壁。魂飛斬蛟影。黥魚皮室象鼻修。龍雀夏環犀  
利等。晶英射目寒生毛。正色捧視冠先整。為云前年  
駕海航。同槎聊得張騫肯。翻然直渡姑米洋。使舟觸  
礁紛斷綆。颶風大作黃蛇浮。齊呼天妃向東請。忽見  
海面一燈來。如烟籠罩神光回。須臾送至馬齒山。那  
霸港中始無警。此邦本鄰土。噶喇七島倭人爭。鬪逞  
害。鬚男兒好佩刀。往往不勝先。刎頸出鞘光如雪。一  
團風聲乍過。失腰領。可老贈我。不敢窺百步。遙聞血  
腥冷。傳聞日本初鑄時。煅煉陰陽聳精緊。磨出七百  
二十鋒。白晝陰森擊雷霆。帶時鑢鐵曲作柔。用自如

蒙銑脫穎至今。亘有悲號聲。時時霹靂驚。亦不信  
試看一厚澤。白日晶晶天炯炯。我聞此言膽為寒。便欲  
挾刀斬強梗。即今邊塞多烽塵。安得一揮萬方靜。歌  
罷放刀出門去。門外雪花避光景。

秦鏡歌 為董東亭作

我聞自漢以來古鏡四十九。惟有秦鏡其形方。相傳  
名為照骨寶。厥制始自秦始皇。高五尺九廣四尺。照  
人五臟無躲藏。傳聞宮人起邪念。照即倒影心膽張。  
不知董子何處得此鏡。言自無勞儻奚石岸旁。我思  
軒黃液金作神鑑。凡十有五已淪亡。後人偶或得其

一制度想像猶可詳。先以八卦定八極。後以四靈位四方。一十二辰環其外。二十四氣羅中央。周漢以後形各異。圓者象天。方法地。周天則有廿八宿拱位。三神與八衛。或鳳飾而龍蟠。或鱗甲而羽毳。或嘉禾與合璧。或比目與連理。或中虛而謂之挾鑑。或形銳而名以浮水。或肖五嶽真形。圖或象玉女舞乍起。其餘光背花背與滿背嵌金嵌銀與片子俱須清瑩。微中邊形影不改。斯為美。况聞方者品最下。何況嬴氏失天紀。博物雖或列秦陀。貴重不必秦皇始。君不見宣帝有鏡照妖魅。常以琥珀盛諸筭。天神所福得佩之。

從危獲濟登大位。又不見天寶初進揚州銅爐火光中盤真龍詔。以五月五日鑄鏡能行雨。復行風。還君此鏡三歎息。何必如鬼復為蜮。我有寶鏡名仁壽。俟與金鑑一齊奏。

明妃出塞圖

為編修祝芷堂作

漢選明妃入掖門。寧知八載未承恩。臨行尚得君王顧。空望瑤階拭淚痕。蒙塵遠適呼韓國。雲垂四野陰山黑。貂裘匹馬真可憐。執鞚胡兒掀帽立。和親此去委胡塵。絕域難逢內地人。相隨只有宮中月。猶向天涯照妾身。從來艷色偏招妬。當時悔不千金賂自倚。

蛾眉絕代無此生。竟被丹青誤曉來。邊雁叫離羣聲斷。琵琶不忽聞青塚。有魂歸不得。淚灑巫山十二雲。

卓文君銅印歌

為朱青雪作

青雷山人蒼籀徒。秦篆漢隸紛笥厨。就中銅綠格。古傳是文君鐵筆摹。不知何時初出土。估人云出咸都府。乾蘚菌蠢字模糊。射人古綠精光吐。清泉洗出名尚留。想見如黃女子柔。其紐為龜脰。左顧賤售不費蠖蝓。收憶昔王孫女初寡。遠山不借眉黛假。鳳兮一曲求其凰。千古風流屬司馬。夫既能為犢鼻禪。婦亦當壚倚市門。同里未逢楊得意。閉門先絕千子孫。

一朝駟馬題橋去。玉堂給札君王侍。乍聞殿上試凌雲。已見蜀中檄文至。其時此印利何年。共說夫榮妻比肩。痕深似倩麻姑爪。篆古還同玉筋鐫。豈知丈夫多異心。茂林又復有挑琴。綠綺當年彈已絕。白頭此日空長吟。由來意氣難如願。一朝委去終身恨。篋裏空存封禪書。填來祇作酒家券。只今事隔幾千秋。不虞此物存荒邱。煩君拂拭苔衣繡。印取桃花紙上油。

子穎子歌

子穎子。穎髯如戟。眼中無物。氣無敵。前身應是李青

蓮天遣謫仙。今再謫。朝來作賦長安市。一日聲名傾  
帝里。拂衣不到七貴門。提筆何曾百篇止。去歲京華  
始識面。意氣形神兩相視。白日慘淡秋風高。爾時見  
君何雄豪。我聞詩人例窮蹇。失意往往追風騷。奇才  
抑塞古亦有。酣歌據地真吾曹。子穎子不見。生入玉  
門之班超。不見東海騎鯨之李白。雲臺畫像竟何人。  
劍術飛仙爾亦得。何為一上孝廉船。坐使金門空射  
策。龐公豈是百里才。賈生誰與問前席。昨日辭我之  
劍南。我是劍南未歸客。去往俱為異地人。人生離合  
真無極。少陵去蜀仍驚叢。夫時遣君為錐闕。故教走

馬錦江邊。要使清吟奪江碧。當今盛世奏雲門。懸  
器要須韶濩音。風雲際會君應得。莫遣星星白髮侵

漢獻帝陵

高皇基業危。如綫鬼母夜哭蛇盤殿。赤帝已盡黃巾  
來天下。惟推董公健。羣奸草澤皆乘風。可憐守府徒  
空空。大勢已入曹瞞掌。玩弄天子如兒童。人中之龍  
孔文舉。使君英雄更無伍。三尺輕綃謀不成。此非人  
謀天不許。誰教他日呼郝公。牽衣掩泣泣成紅。寸土  
已非劉氏有。魂歸萬古山陽中。濁鹿城邊遺故宅。狐  
兔為羣鳩格磔。却看銅臺瓦上霜。一樣荒郊秋月白。

沈利羊毫筆歌

沈利作筆世無雙。截玉為銛銳莫當。貯雲藏霧纖毫裏。出手肅肅生秋霜。從來羊鬚埒不得。無乃叱自初平石山間。老穎不敢窺。疑是金華洞中客。制成作字如飛龍。學士珍重藏。表鍾我道宜行不定楷。只作柔毛問價買。

次陳勾山太僕跋東坡興龍節侍宴真蹟用米

老韻呈座主周立崖先生

先生書法精入骨。笑衛夫人費日月。愛學東坡換羊書。若鋒出劘刃。新發長笑魯公筆。太肥又笑張芝空。

草劄忽然購得清虛堂。有如聽江初得法。我聞子瞻酷愛王家兩行十二字。野鷺家難得。勿同此意當年片紙不許藏。人間至今萬金始得收。中秘先生慕古雖隔世。鼻祖遙遙接蘇氏。我亦以指畫破衣壁。美貌妍總非是。

八陣圖歌

彌年鎮作

有客騎馬來新都。逢人指點說彌牟。森然魄動下馬拜武侯。八陣遺荒墟。緬古軒皇授神術。布軸抗衡森紀律。卦義微參數。更靈井字成形制。尤密魚尤殲戮。著奇功千載獨傳諸葛公。五行操算由天授。六花變



幻非人工。是日高隴。狐兔嘯。四面林樞。鷺觀。叫車廂。  
折衝鳥翔。火飛翼。浮沮龍騰。蹕橫天。鶴列儼。成行。匪  
地魚麗。不可釣。憶昨三聘。翻然悔。茅廬本為蒼生起。  
身比管樂。殆過之心。折關張。良有以圖。成犄角。誰能  
政。綸巾羽扇。何從容。畏蜀當年。同畏虎。得狗如今。羨  
得龍。惜哉出師。方盡瘁。內蠻跳跋。分其勢。車蒙未得  
驅中原。鋸齒空教。吞虜地。事壞誰當挽。天迴心傷不  
獨指星墜。至今怒氣鬱。沙麓屢遭剷。牛仍磔。卓戰場  
殘廢為民田。往往犁邊拾古鏃。月黑時聞鼓甲聲。天  
陰疑有神鬼哭。君不見棋盤市。夔州城道旁。亦有能

兵者長抱江流石轉聲

宋錢歌

平谷城東紙寨村民掘土得宋錢內甕皆自  
太平以下至哲宗紹聖以上年號錢俱草書  
通時地屬幽州不知何以埋此蓋寶泉出亦  
有時也因作此歌以紀其事時乾隆三十四  
年二月十六日也  
夜夢有神向我言青蚨無數將騰騫朝來童子走報  
我阿堵萬貫來頽垣我聞竟與貪泉似口雖未飲心  
先醉遣奴換得數緡回篆文一錘宋字憶昔鑄錢法

宗祖輕重一準開通譜太平天子賜草書紀元首冠  
 前無古嘉祐以下圖尤密逃盜雖邀寬法罟自從荆  
 國亂乾綱輪廓不便紛朝章免役助役何擾擾愚民  
 失所多逃亡爾時此地非中國何事流泉來此域得  
 非新法逼使然一時避匿皆投北投者大都半商賈  
 後來國虛究為虜何不早聽閔子言定學魯人為長  
 府君不見平谷仍是舊幽燕古錢猶帶青苗土

神鴉行

富池廟祀西陵守廟前神鴉傳已以往來索食不避  
 人拋接高低皆到口我怪其異欲彈射其奈黨羽紛

前後人言此是甘公魂精靈不可機械取我思將軍  
 英烈氣閩高避曹瞞走安能幻作羽毛身嘖嘖向人  
 求肉酒嗟爾神鴉應知足藉賴靈威惠實厚君不見權  
 門索賂多走狗憑伏威福無不有

六月初一日雨後偕侍講周稚圭升桓成進士

成城集舍人沈南雷士瑋齋中分韻作歌得燈

字

今年五月多霖雨垂檐白練如穿絙吹帷注面風習  
 習蕭蕭默坐成癡蠅念我休文南隣北泥沒屐齒何  
 由登曉來城上鴉翻樹密見西山霽色澄清晨欲往

徑命駕。敲扉不待雙童。鷹主人攤書正高卧。笑起握  
手欣來朋。燕京客舍苦無事。相與大叫呼憑陵。打門  
忽報周公入。軒軒意氣何飛騰。座中成子殊駁犖。闕  
奇射覆無不能。相逢酣叫傾五斗。十千沽酒真如澆。  
人生對酒不快意。百歲轉瞬如風燈。男兒窮達自有  
命。但須胸次清於冰。何必低頭附炎熱。醒疑澆忍求  
哀矜。諫懶從教官長罵。狂歌那禁旁人憎。維時徂暑  
苦蒸鬱。黑蜾不見焦烟凝。黃沙撲扇汗如泚。蔭楠移  
坐前廳。棚與酣呼出雲中。月滿天星斗森孤。稜醉來  
起舞鐵如意。仰看屋角濃雲崩。咫尺兩電愁僮僕。催

歸街鼓聞。齧齧夜闌得句雜。夢寐急追好境書溪藤。  
明日示君應咋指。酒語毋付詩骨。賸勸君欲飲徑相  
覓。邇來酒價方陡增。

傳雲畫鷹歌

大野秋高塞草枯。狐兔狡捷紛當途。凜凜鋒棱十二  
翻胡為不擊來。吾廬細觀素練畫。作殊條鏃猛腦不  
可呼。傳雲妙筆天下無。行年七十皓髭鬢。猶能上馬  
左右射。眼光炯炯如元珠。朝來落筆風霜起。勁氣直  
與蒼鷹俱獨立。杈柯吁可畏。攫身天地目愁胡。飽不  
飈去。何其愚得毋養之如布乎。看君醉筆良非粗。詩

成為我千壺沽

崇正鐵礮歌

平谷舊有鐵礮四長五尺徑一尺分鎮城樓  
歲久城圯寄古寺中上有御馬太監杜勳及  
葡遠總督吳阿衡順天巡撫陳祖苞監製等  
字為崇正十年十月造因作歌以紀之

漁陽古郡扼要地箕尾分野折水次何年突起百雉  
墉重樓直跨飛鳥背中有鐵礮敵刁斗挿架各鎮城門  
四鍛鍊無乃尉遲爐龍錯不假泰山礪當時鼓鑄知  
為誰天精下視雷公避鎔成幾盡司農錢千夫扛壓

此安置捫尋竟日手生稜黑花鑄出崇正字監造旁  
紀吳與陳大瑞杜勳董其事憶昔中原方鼎沸聞狗  
左革亂明季烽火如麻十七年宵旰頻憂九重帝深  
宮夜夜空枚卜棘門壩上皆兒戲就中竊柄惟闖童  
橫行即杖上方賜日殺無辜報天子賊指山西關不  
閉軍中消息傳未真祭文親得君王製豈知人上李  
陵臺蟒玉鳴騶方得意黃巢血已染長安解甲紛紛  
各歸第反作鮪城說降客我曹原為富貴計可憐無  
關一金甌社稷身與山河碎地覆天翻日月移空擁  
泥沙拋野寺掣肘還思未放時隔朝猶帶硝磺味嗚

呼此曹何代無聖如莊烈猶為愚

題吳秉仁雙鶴圖

吳生畫學李將軍。花鳥沒骨俱有神。就中雙鶴圖第一。種類能寫青田真。竭朝下簾卧清畫。依稀羽客夢中覩。陡來白露滿庭寒。雪影攏飛座右一。鶴獨踣三山岑。俯啄直無滄海深。一鶴如人長而立。自愛毛衣方自戢。峭壁懸空似九臯。長風謾謾驅松濤。紫頂丹眸各有態。一聲曉吸霜天高。此物由來性相警。貌入生綃猶炯炯。遭逢不敢望乘軒。萬里烟霄心未冷。我今好爵恨虛糜。那復鳴陰子和之。昂昂休說雞羣

裏君特未見其父耳

娑羅樹

娑羅樹在祥符寺。兩株相傳三百年。錯節經創虎眼活。鐵幹擎空龍爪拳。我聞此木產西域。惡禽不棲好鳥集。祖佛當年此涅槃。胡僧一見攀條泣。不知震旦來何時。永康元年根始移。顯安寺中忽一樹。隨發隨生人始竒。如何此地留華蓋。竟有枝柯塞廟大。鋪地猶流竺國雲。參天遠映扶桑露。得非安西狀進初。正逢北海碑所書。撐空似有鬼神護。夜響常如風雨餘。旁有四字大如斗。摩窠云出三丰手。

寺有祥符禪院四字以祥為翔

但見仙書不見人。何如此樹終難朽。我有狂言向樹  
不願成佛不願仙。但願我壽君一樣。屢經雷火仍  
無恙。

荔支歌

為曹秋漁作

香草亭中花。瓊娜水晶盤。內沉朱果。風流太守。羽扇  
來笑捧一盃。釵頭顆。我家住在岷江濱。夢想傾城三  
十春。豈意臨印署中。見頓令齒頰生。甘津色敵江萍  
日光烈。赤羅襦中白。膚潔細嚼丁香。欲喫人五月齋  
頭流絳雪。維時輕擘對賢昆。似言南海味尤尊。詎知  
南村一老腐。唇焦口燥今始吞。為問紅塵何處騎車

周胡公

洪雅

敦舊意。馳來百里未成酸。坐使輕紅沃

心醉。嗟我離羣八年久。命駕總為平生友。珍筵兼得  
桃花紅。為我沽盡當釀酒。明年結束去京都。預想炎  
天此物無他日。故人如問訊。勸君休寄荔支圖。

和張玉溪登萬卷樓觀金石古文歌

我家有樓車山北。萬卷與山齊。差幾金石古文風所  
愛。度置百帖時摩挲。吾壻坦腹右軍比。平生常換山  
陰鷲。今年省試過伯樂。驕驕聲價十倍過。奇文百戰  
俱第一。當道自詡能搜羅。錦城錄詩遠寄我。不敢過  
譽嫌。偏頗常于酒間舉。示客寶光共說如。太阿坐令

老翁不量力。咎兒累月哦。其哦昨日遊。庠枉駕過。適我遠出逃。催科興來登樓恣檢閱。碑版直欲窮岷嶓。百家探討分亥豕。六藝辨析遵止戈。斷字能知日月蝕。闕文姑任風雨磨。漢隸車馬推石鼓。張草蛇蚓分藤蘿。畫肚以指各有悟。箱口卒讀俱無訛。秦岳秦篆跡。豈鳥岫。嶁禹蹟。文非蚪。後代耳食任穿鑿。古人伏泣潛滂沱。其餘唐宗如水族。但有魚鼈無龜鼃。嗟予老眼昏若霧。對古每每形謠歌。野鷺家雞常見誦。蠹殘鼠啗消無多。餘編尚留君把玩。得非天遣神守呵。與壻猶應勝。與外誓將罄。送供廟。嗟不然。水火並劫。

篋難保一朝其失。俄癡人千金買竹篋。蠻觸空笑爭角蝸。譬如日日厭菽粟。好竒遠想餐木禾。其中真贗誰復辨。索垢求瘢毋乃苛。不如自我且作古。揮毫知我摹伊那。後之視今。今視昔。今文支派如江河。勸君不必嗜成癖。致令百廢嗟蹉跎。

登函海樓放歌 和玉溪韻

愛君為人眼能白。元龍豈是求田客。愛君文似玉溪生。直從碧海掣長鯨。平生樓居多。悵喜君來即攜同上。萬卷縱橫任溯洄。百川環遶同浮漾。秋風昨夜林端來。繡栢朱憲次第開。造鳳手原殊。草舍彩鸞身。

合住蓬萊。火棗不羨珊瑚赤。琪果不讓珍珠紅。海山  
三點看初霽。弱水萬里來長風。頃刻天邊月輪起。兩  
人猶在鏡光裏。橫笛何人尚倚樓。十月梅花落江水。

題綿州使君王雲浦用儀所書家宰彭芸楣散  
館甯戚飯牛賦手冊

使君示我新細帙。乃是冢宰應制筆。當合此事實推  
表。從來作序還須謚。芸楣先生鍾匡廬。文光直射斗  
牛墟。金榜標名平甫冠。玉堂清署職先除。御題親試  
飯牛事。聊寓之賢示羅致。聖門羞作齊桓稱。自許猶  
慙管仲器。三年天祿照慈光。當殿文章印冠場。江右

才人聞寵語。北門學士重朝堂。明光奏罷朝方退。紙  
價爭傳洛陽貴。行間寫出一匡謀。句裏平吞九合氣。  
當今天子重詞臣。宰相須用讀書人。名卜金甌當射  
覆。權專銓鏡早陶甄。君家豫章本同里。泰山氣象常  
仰止。十年失記夢相縈。一日獲聞心竊喜。五色銀箋  
疊作方。烏絲鐵畫寫成行。自比孟嘗還合浦。誰知召  
父本南陽。科名奕世廬陵重。代刺吾綿使無訟。文雅  
粉澤儒者心。坐嘯畫諾與人頌。憶同芸楣師立崖。癸  
未之交文譙偕。索觀館課常蒙寄。談到杯深許雜諧。  
江湖睽隔雲泥路。相思何日重相晤。從今日誦甯戚



歌不讀相如凌雲賦

題王雲浦州尊坐看雲起圖

我昔過廬陵曾遊白鷺洲。洲在贛江環曲處。螺山上  
有晴雲浮。竊憶此中人。必有名賢住。溯洄偏遇水中  
央。鬱葱空望江天樹。歸來潯水老林泉。始晤循良刺  
我綿出岫。便有崇朝雨。潤物還成萬戶烟。我初見公  
識公貴。出語每帶餐霞味。揭來示我看雲圖。展卷便  
有凌雲氣。何以不屋雲幕。垂何以不冠雲絮。披竟似  
飛鴻同目送。不教野鶴暫身離。松下眠醒微帶酒。山  
童隔竹敲茶臼。心不競處泉亦清。意俱遲時吟定久。

君家右丞詩前身本畫師。廬山我心也。彭蠡常好之。  
倒用右丞句安得上下逐雲龍。徧歷江上雲騰峯。天下蒼  
生望霖雨。竊恐無此間。從容我非雲中君。常忝雲中  
客。衣袖曾沾空翠痕。詩成又染雲衣白。

石匠

有翁折脚啼道上。皮肉淋漓新吃杖。如狼差吏驅出  
門。不許攔街呈訴狀。旁人指點翁來因。舊是南山伐  
石匠。問翁胡為遭鞭箠。眉皺胸填氣沮喪。往時縣中  
例立碑。去思德政屹相向。不知有益黔首無。各謂甘  
棠何足讓十字。市口樹如林。幾欲斲盡青山嶂。自吾

祖父供此役。日往高巖親度量。車輦夫扛百不停。巍  
巍鰲戴萬人仰。立時官府顏色歡。給賞纔足沽村釀。  
此項名為里下派。何曾一家解索借。而今室內無一  
丁。只餘老身權補放。字刻青天過手多。至今姓名半  
遺忘。朝來新令初升堂。便有循聲千口颺。不即鳩工  
垂不刊。龔黃才免心怏怏。昏夜傳呼急於火。天明懸  
首聽點唱。可憐蕭條一細民。囊橐無錢倩誰餉。今者  
稍稍憩私情。拍案立即痛考掠。君看腰間鏹與鑿。薄  
技隨人無地葬。但使官名果不朽。身雖餓莩亦何妨。

乞兒行

我行陝州十二月。山雪河水野騷屑。無數小兒身無  
衣。馬前跪啼一錢乞。我憐其寒細叩問。汝曹胡為皆  
孑孑。中者點者手足拳。似指似畫向余說。家有薄田  
數十畝。無收苦為遭旱魃。老壯異鄉各餬口。幼稚無  
能守門閭。近聞朝廷憐赤子。給賑億萬內府竭。朝  
來衢市看黃榜。歡聲直與河聲埒。粥廠遙開各浮  
屠。趨赴惟恐門先閉。不知官吏中飽無十人。未得一  
放。及非無父母相提攜。救已不暇寧相活。自憐生在  
甘棠鄉。枝葉於今勇拜絕。留養雖設不能留。棄擲道  
途誰見納。縱復苟且免饑號。觸怒往往遭鞭喝。一聞

其言心悽惻救汝那無囊中物我亦天涯乞遍人艱  
難幾見心肝豁揮去哭聲聞漸遠我亦車中淚嗚咽

戲墨莊

墨莊先生貌如墨平居垢面不修飾垂頭頗類李臺  
卿七竅煙雨同一色口中含煤背懷板前身應是海  
烏賊忽然變化出人間為龍為蛇不可測旁人大笑  
君謂然故以名莊了無惡豈知先生胸有奇觀書如  
月照幽域九天咳唾盡珠璣白雪陽春光欲逼我觀  
先生真嫵媚外雖黠黠中淵默頗聞老子談道德所  
貴知白而守黑請君看取姣好人滿腹塵埃誰能拭

竅木謠

竅木竅木風從中出雌簧雌簧言從口揚風出尚有  
因言出不可當初或疎兄弟漸乃離爺娘嗟乎曾  
參殺人母反走古今殺人只在口

石鏡屏歌

石鏡屏羅江令雲南楊古華先生周冕所藏  
也出自大理點蒼山其圓如鏡白如月中有  
黑雲突起一峯若有人立於峯上雲氣起忽  
若遠若近甚可寶也古華要余作歌詩成遂  
以相贈

古華學書學黃華一筆一畫皆如蛇古華愛石愛  
老米一邱一壑如追蠡獨有石鏡如鏡平圓如月到  
十五盈下為波濤上雲霧十洲三島環蓬瀛其中一  
峯崑且岌四面海水相漂濤上有一人袒左肩頗似  
吳剛持斧立袖飄飄而吹風足騰騰而乘空忽不知  
其所往兮亦不知其來何從主人徐為陳始末此鏡  
出自點蒼窟每逢八月露坐時直疑上下有二月巧  
匠斲石比月皎此詩更比石爭巧石不能言若有言  
我願共為天下寶


古華批云詩巧於  
石常以石相贈


題朱子穎米顛拜石圖

半空落石石挂在巖樹枝米老見石如大賓整衣束帶  
拜恐遲石亦不能言心許為知己但慙皺瘦透自覺醜而已  
吾齋非寶晉此公胡來此細觀乃是子穎畫小溟釣客題石  
底畫石如人高難躋畫人如石古莫媿非祝非禱亦非佞  
如揖如授復如稽遂令好事者人石難品題我昔在京華  
曾與同雞棲布衣王侯間名與巨然齊維時召見勤政  
殿中官宣勅登塔梯畫成大石呈御覽天威忽霽  
如天倪別來已十載夢寐猶相携今日見此障渾如親所  
齋聞道頻年官九轉太守善政傳鄉黎知君愛古癖於米

童山園集 卷四

相思夜夜下渝溪  
時子穎  
守重慶





相思夜夜下渝溪  
時子頌  
夏

